

7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

封爵部遺

封王封公總閱國開國侯開國伯開國子開國男

王府官部遺

王府翊善 王府直講 王府讚讀 諸王官大小教授

節使部遺

承宣使 觀察使 團練使 國信史 副使

接伴使 館伴使

殿司部遺

總三衙 殿前司 馬軍司 步軍司 州都監

統軍司部遺

總將官 諸路將官 都副鈐轄 兵馬都監

府司部遺

督府 督參 制置使 宣諭使 參議官 機宜

帥幹 帥屬

事文遺集

150 3
+66160
#62



新編古今事文類聚遺集卷之八

建安 祝淵 宗禮 編
金陵 唐君春 子和 刊

封王

封郡王附

此下補外集總王所官之前

歷代公室王爵非古也。周不諸侯或稱王。制封諸侯。故以王屬
如之。總稱諸侯王。其實諸侯也。自周分王子弟。而封諸侯。氏不
王。以公之。晉亦有王公侯伯子男六等之制。而封諸侯。
陳制九等。後世留王公侯。等。而封諸侯。亦存。漢六等。下
漢昆弟。子。自漢末以上。悉封郡王。至太宗。遂封天會九年。



利
似

新編古今事文類聚遺集卷之八

建安

祝淵

宗禮

編

金陵

唐富春

子和

刊

封爵部遺

封王

封郡王附

此下補外集總王府官之前

歷代公董王爵非古也。周末諸侯或稱漢制封諸侯故以王爵加之。總名諸侯王其實諸侯也。自漢分王子弟而非劉氏不主魏晉以下因之。晉亦有王公侯伯子男六等之制。隋始做陳制九等。後惟留王公侯三等。唐始興務廣交蕃鎮天下。故從昆弟子自勝衣以上悉爵郡王。至太宗降封天寶九年賜



利
163
52

安祿山爵東平郡王唐將帥封王自此始宋朝稽漢非劉氏
不王之制若異姓唯后之祖父乃贈王爵佑命之臣獨趙普
以元勳封韓王若曹彬封秦王潘美封鄭王雖勳亞忠獻終
緣有女若孫為后得之而故相未聞有贈王者蔡京秉政用
繼述之說贈王荆公為舒王後贈何執中為清源郡王而當
時以為非乃贈韓魏公為魏郡王以塞物論又贈鄭居中為
榮陽郡王暨取燕山賞童貫之功封廣陽郡王王爵於是濫
矣中興以後如四大將之功韓世忠封鄆王張俊封循王皆
賞功臣之最也開禧間韓侂胄亦加郡王蓋仍外戚之寵也
清瑣拾遺

羣書要語 顯班帝制榮啓國封 六一集 金券王冊虎符龍節 東

坡表忠規碑 遂膺典冊進位真王 展表類 袞衣綉裳既極公台
之貴金印盤綬肇開王社之封 士宇分封位列真王之貴
詩句功業汾陽異姓王 杜詩

古今事實

南回稱孤

漢高祖定天下功臣異姓王者八國咸得裂土南回稱孤
即為真王

韓信平齊使人言漢王曰齊夸詐多變不為假王以鎮之其勢
不定請自立為假王漢王罵曰大丈夫定諸侯即為真王何以
假為

分王功臣

南王盧縮為燕王韓王信為代王彭越為梁王

封諸呂王

呂后臨朝封諸呂為王太后病戒產祿曰高祖與大臣約非劉氏王者天下共擊之今主呂氏大臣不平我即崩必據兵衛宮毋為人所制太后崩周勃陳平劉董等共誅產祿迎立代王

封白屋王

匈奴攻耿恭單于遣使招恭曰若降者當封為白屋王並漢書

不預王爵

尉景之子粲性鷹武天保初封庫狄干等為王粲以父景不預王爵大恚恨閉門不朝帝怪遣使就宅問之隔門謂使入曰天

下不封粲父作王粲不如死齊書文宣親詣其宅慰之方復朝請北

封汾陽郡 以下係郡王

唐上元二年李光弼兵敗河陽失守又河中軍亂殺其帥李國貞太原節度使鄧景山亦為部下所殺遂用郭子儀進封汾陽郡王出鎮絳州子儀擒其殺國貞賊首王元振數千人並誅之太原辛雲京亦誅害景山者由是河東諸鎮悉皆奉法

封咸寧郡

渾瑊父釋之積戰功累遷至開府儀同三司寧朔郡王德宗幸奉天瑊率家人子弟以拒朱泚賊平德宗封瑊為咸寧郡王

封北平王

馬燧少讀書輟卷歎曰丈夫當建功於代以濟四海安能碌碌
為一儒哉燧姿度魁異沉勇多智略朱泚之亂燧守太原引晉
水而注城之東渚以為池寇至計首守陴者萬人封北平郡王
並唐書

封宗室近親

宋朝宗室近親承襲特旨者封郡王兩朝志

封元勳功臣見前公華

古今文集

雜著

太宗正事封東平郡王制

呂伯恭

周建國以親諸侯用修宗盟之慶漢置官而序九族是司屬籍

之蕃。雖然叔父之賢。首我內朝之望。博稽輿誦。董正皇支。升之
上將之壇。賜以鉅邦之履。飭宣不號。甲詔治庭。具官樂易而不
不流。溫恭而有守。河間學古。入對三雍之官。沛獻好文。爰作五
經之論。齋襲神明之胄。地依日月之華。大路太旂。傳鼎彝於故
府。法言法服。蹈規矩於先王。鄉疇進律之文。顯波承流之任。德
齒叅劬。魁然祭酒之尊。名實兩崇。展天戚藩之冠。載念齊家之
要。必嚴糾族之權。示以褒儀。屬茲肅艾。是用繇譙城之留務。總
廊時之成師。踐辟疆之班聯。式彰清靜。昨憲王之封域。用答勤
勞。合集寵光。布童物采。於戲。問雞鳴之寢。朕方形立愛之風。誦
麟趾之詩。爾尚輯惇宗之典。若梓材之來。兄弟若藁。藁之莖本
根。其追配於前人。亦有辭於永世。

封公

開國郡縣公附

歷代沿革節周人兼官之制也。成王作周官，只有三公兼官之稱。然在當時如周公之封於魯，太公之封於齊，微子之封於宋，亦曰庸建爾于上公，大抵皆世襲稱公。漢魏以來不過沿古三公之名，唐立品爵勳階之目，故或以國封公如狄梁公，蘇許公，張燕公，裴晉公，皆位宰相而直封國公者也。宋沿唐之制，故位宰相而直加封曰某國某公，是又於三公三少之下，別加爵而特封國公者也。中興以來皆踵此典，惟正宰相則直封國公，執政皆與此例，要亦不過於開國五等之上而直加以公爵之名。會要 遇恩及宗室祖宗後承襲及特旨者

封國公二朝史 皇屬有特封郡公縣公或贈侯者無開國字會要

羣書要語諸公之地封疆方五百里其食者半周禮 公執相圭
上公九命為伯同上 公直也取其正直無私釋名

古今事實 建五等公

咸熙元年相國晉王奏建五等諸公地方七十五里邑一千八百戶置相一人典祠典書典衛典禮各一人妾六人車前司馬十人旅賁四十人魏志

劍履上殿
上公九命則劍履上殿晉書

相當為公

有善相者師主謂陶侃曰君左手中指有豎理當為公若徹於上貴不可言侃以針尖之見血灑筆而為公字以紙裹手公字愈明同上

嘉禾進爵

許洛陽為鴈門太守家田三生嘉禾皆異壟合穎世祖善之進爵北地公比史

食邑萬戶即封

宋朝舊制將相食邑萬戶即封國公王且過萬戶而謙抑不請封慶曆七年南郊中外將相惟夏竦滿萬戶中書請封英國公因詔使相未滿萬戶者皆得封宋敏求錄宋朝之制食邑滿萬

戶便封國公杜衍既致仕因郊祀當加恩而食邑未滿萬戶特詔封祁國公蓋異禮也其後遺奏有曰非萬戶而忝賜履之封自三少而席司成之重蓋謂是云徐度編

古今文集

雜著

賀皇長子封公表

王拱辰

建親授社屏翰於王家封子維城安強於國幹誕揚休命敷告羣倫均海寓之歡心洽朝廷之太慶藉以宗藩錫瑞賢戚分疆周列侯邦半諸姬而啓土漢有天下非劉氏則不王皆所以滋大本枝維持京室綿萬數於穹壤固廟佑於山河屬我熙朝益隆茂典恭惟皇帝陛下纂承皇序恢闡洪圖善迪孫謀適遵祖

構乃眷元良之重已昭岐嶷之英肇設南圻崇加上袞離明震
豫知帝緒之無疆海潤星輝戴吾君之有子臣居留近甸迹遠
鬆墀惻聽恩重舉增抃懽

讓封燕國公表

張說

寵靈猥及中心如快臣某中謝臣聞至道之時重法守義上無
無功之賞下無無德之祿故授受禮全而踰越不起伏惟陛下
光撫寓內大寧天域百度惟新萬靈翹注建侯疏壤允答元功
臣亦何人首膺是命自古有傳道而爵說經而封蓋以訓蒙成
聖資師通學臣之侍講有異前聞何者大明朝昇螢燭無助時
雨夕霈浸灌焉施幸得依附光景游泳渥澤豈敢虛承隆慶之
恩謬荷就將之報且如人臣之義二則為罪一心不回愚智之

分譬如太馬有不背之性草木有不凋之理知何德於天壤而
欲蒙造化之偏施哉臣之無功正與此類叨恩過量終懼且慙
乞廻聖慈以容介節無任惶悚之至

謝封濟國公表

周必大

配天其澤溥均汶上之釐裂地而封首賜濟陽之履逢辰有幸
揣分無堪臣某中謝臣竊以偏秩羣神莫嚴宗祀肇分五等實
重公主當聖君不憚於親祈宜百辟咸思於職助而臣學懵几
筵之制位叨兩社之間猥備相儀甚慙該輔拜恩綸而徼福啓
封國以知榮茲蓋伏遇皇帝陛下誠格顯幽仁周呂物謂天地
祖宗之並况已敷錫於臣民則股肱心腹之同体宜申加於爵
邑是推洪施罔間素餐臣敢不仰服龍光俯殫駑鈍感鬼神而

問通今雖愧於傳聞披輿地之圖復古尚期於親見
律詩

寄裴令公

白居易

天上中台正人間一員高休明值堯舜動業邁蕭曹

總開國

歷代沿革此即古五等之爵也春秋時宋稱公齊晉稱侯曹稱伯許稱男滕杞稱子即其等級之國也自秦罷侯置守漢法非有功不封然大抵侯爵浸多惟東漢二十八將之封及兼及伯子男然亦未始視官品以為之封也自唐立為五爵之制於是始有開國五等之爵如顏師古開國子陸德明開國

男是也

宋自改官制以來大抵侍從以上始得開國卿監以下

下不詳故開國之制有二伯子男止封縣公侯則封郡州縣則即其所居之本員者封之與單封國公不同却是取他郡

然又有止封食邑者又有加食實封者食色行于伯子男加

食實封者行於公侯然食邑之戶數大抵每一千戶則實封

者止十分之一實封每戶組計始有俸祿然有執政帶爵秩

者亦有宰相帶爵秩者宰相本封國公之例以其輕重高下

小大隆殺等級之自各有不同也

開國侯

羣書要語諸侯有功則益地禮記加地進律同上錫之山川土

田附庸詩也利建侯易豫利建侯行師同上諸侯之地封疆方
四百里其食者參之一周禮侯伯七命侯執信圭並同上昔
五侯九伯以來輔周室賜我先君履左傳所踐履之界

古今事實

丹書鐵券

漢高帝初封侯者皆賜丹書鐵券曰使黃河為帶泰山為礪漢
有宗廟爾無絕世漢書

金印紫綬

列侯金印紫綬功大者食縣邑小者食鄉亭漢官解詁
封為留侯

漢封功臣張良未有戰鬪功高帝曰運籌帷幄之中決勝千里

之外子房功也乃封良為留侯

雍齒且侯

上在洛陽南宮從複道望見諸將相與坐沙中語上曰此何語
留侯曰此謀反耳上曰為之奈何留侯曰上平生所憎羣臣所
共知誰最甚者上曰雍齒留侯曰今急先封雍齒以示羣臣上
置酒封雍齒為村方侯皆曰雍齒且侯我屬無患矣並同上

願封本鄉

後漢光武封功臣各言所樂諸將皆占豐邑美縣惟丁綝願
封本鄉曰昔叔孫敖救其子受封必受堯堉之地今綝能薄功
微得鄉亭侯足矣後漢書

封櫟陽侯

光武封景丹櫟陽侯帝曰富貴不歸故鄉如衣繡夜行故以封卿耳

封安豐侯

詔曰竇融執志忠孝扶微救危仇疾反虜隗囂舉勵五郡精兵羗胡畢集兵不血刃而虜土崩瓦解朕甚嘉之其以六安安豐陽原蓼安凡四縣封為安豐侯

相萬里侯

班超詣相者相者曰生燕領虎頸飛而食肉此萬里侯相也後超事漢定西域五十餘國封為定遠侯

封東亭侯

曹沐自荊州北歸太祖曰此吾家千里駒也封東亭侯

建五等侯

咸熙元年晉王奏建五等諸侯地七十里邑千六百戶官屬同諸公妾五人車前司馬八人旅賁三十六人

僧珍奇聲

相王指呂僧珍曰此兒有奇聲封侯相也

安仁面方

宋明帝見李安仁曰卿面方如田封侯相也

幼小封侯

李崇以父賢勳封迴樂縣侯時年尚小親族相賀崇獨泣賢怪而問之對曰無勳於國而幼小封侯當報主恩不得終於養是以悲耳賢由是大奇之

孔愉佩印

孔愉以討華軼功封餘木亭侯初愉小時嘗得一龜放於餘木溪中流左顧者數四及鑄侯印而龜左顧更鑄猶然愉悟遂佩焉晉中興書

開國伯

羣書要語諸伯之地封疆方三百里其食者參之一周禮伯執躬圭侯伯七命並同上伯白也孝經援神契

古今事實

建五等伯

咸熙元年晉王奏建五等伯地方六十里邑千二百戶官屬同

諸公妾四人車前司馬六人旅賁二十八人魏志

封永固伯

王勇論討茹茹功別封永固伯邑五百戶時有別封者例聽卑授次子勇獨請封兄子元興時人義之後周書

開國子

羣書要語諸子之地封疆方二百里其食者四之一周禮子執穀璧子男五命並同上子獨莖孳栖下之稱也環濟要略

古今事實

建五等子

咸熙元年晉王奏建五等諸子地方五十里邑八百戶官屬同

諸公妾三人車前司馬四人旅賁二十人魏志

封侯之瑞

王敬則封重安縣子敬則少時於草中射獵有蟲如烏豆集其身摘去乃脫脫處皆流血敬則惡之詣道士卜道士曰此封侯之瑞也齊書

古今文集

雜著

謝進封開國子加食邑表

樓鑰

職在琳宮方謹祝釐之奉詔分穀璧更蒙與邑之多敢期洪私下及散地中謝伏念臣頃叨推擇濫與論思自登瓊闥之聯已經采食之賜明時未矣歸猶得於祠官比歲以前居幸霑於郊

需賤息既承於延賞先臣復被於追榮獨此加恩格而不下方斯念答噤弗敢言顧二百戶之逋罔知所自念五十里之小相去幾何迨茲祭澤之頒始冒綸言之寵母升次郡爵進小邦再拜知歸一門增耀茲益伏遇皇帝陛下禮嚴宗祀惠及臣士仁不忍於遐遺福靡求於專鄉遂令遠近亦荷寵光臣敢不惶愧素餐著名丹烟奉鐘就列莫輸奔走之勞分土疏封安有蕃宣之力

開國男

羣書要語諸男之地封疆方百里其食者四之一周禮男執蒲壁子男五命同上男任也任治事受王命為君也環濟要略

古今事實

建五等男

康熙元年晉王奏建五等諸男地方二十五里邑四百戶妾二人直前司馬二人旅賁十二人又次國男方二十五里邑二百戶

王府官部遺

王府翊善

此下補外集總王府官之後

歷代沿革宗太平興國四年置翊善一人續會要孝宗初就傅范元長以待制兼資善堂翊善自是率以從官為之其後親王府不復除第以朝士兼釐讀直講而已淳熙末寧宗在嘉

邸留丞相始薦用黃文叔自秘書除翊善不為兼官非常制也其後文叔遷起居舍人歷中書舍人給事中皆兼翊善是以從官兼七品之職矣

羣書要語白樂朱輪於華邸曳長裾於王門名宦不為不遇

天集胡文恭行向士安制竭誠親邸申翊宗藩曾惠訓之不倦

同上行王渙制典教官邸公是行畢由制

古今事實

大山小山

前漢淮南王安為人好書詔置賓客數千人公公之徒感慕其德各竭材智著述篇章分其詞賦以類相次或稱大山小山猶詩有大雅小雅也

曳王門裾

吳王濞陰有邪謀鄒王上書諫之曰臣何王之門不可曳長裾乎前漢書

南方秀望

晉顧榮時在洛者惟陸雲陸機及榮三人而已機雲有詞藻不及榮以南方秀望補吳王郎中令晉中興書

入子鸞府

宋武帝時殷淑儀寵傾後宮子始平王子鸞愛冠諸子凡為上賄遇者莫不入子鸞府

西邸得人

竟陵王子良開西邸招文學沈約蕭珠王融謝朓陸倕范雲任

昉等游號為得人

王生才地

王勵美風儀博涉書史仕梁為河東東王功曹王出鎮勵將隨之藩張纘時典選勵造纘言別纘見其風采乃曰王生才地豈可遊外府乎奏為太子洗馬南史

擇者德方正

宋大中祥符九年以張士遜崔遵度並充壽春郡主府賓客時王將受經擇者德方正有學術者為府官士遜時為河北轉運使雅素清謹遵度力學有士行搢紳目為長者即召士遜等赴闕竝命焉

論修身治國

張忠簡公大猷公莊重出於天性誠信濟以學力在王邸讀資治通鑑至論脩身治國反復誦說壽皇每嘉納暇日賜札和詩恩意綢繆周益公集

充為翊善

治平三年以尚書度支郎中王稷臣直集賢院充為穎王府翊善令於皇子兩位供職

輟為諫官

邵亢傳英宗諭穎王曰以翊善端直朴厚輟為諫官美王出道帝語遂以制誥知諫院東都事畧

朱范極選見東官門

作渾太儀同上

宋至道二年諫作假山

姚坦為益王府翊善王嘗作假山石潦屬置酒觀之坦獨俯首下觀諫曰但見血山安得假山王驚問對曰坦在田舍時見州縣督稅捕入鞭笞血流滿身此假山皆民租賦所出非血山而何太宗亦為假山未成有以坦呈準上者上曰傷民如此何以山為亟命毀之長編

訪以世務

邵亢字興宗為穎王府翊善召對羣王殿英宗訪以世務稱之曰學士真國語東都事畧

王府直講

歷代沿革 宋太平興國四年別置待講以常參官充政和七年

詔改待講為直講詳見贊讀門 羣書要語 賧彼潘邱高選左經姚元之制 勸講親賢之地淇水

制談經王府揮王塵以雍容同上 朕選敦朴有道之士校經藩

方掌教宗子胡文恭李洵制 度宗屏之訓同上

古今事實

師範磐石

唐元和冊太子赦其歸登日元應宜待講承華師範磐石可充

太子諸王侍講

孫奭賜紫

宋至道二年以孫奭為諸王府侍講賜紫

令王答拜

大觀二年定王嘉王府侍講沈錫奏真宗時以張士遜為王友

命王答拜以示賓禮今講讀之官職在訓導亦王之友傳也可

如王友例續會要

講說有法

鄭穆字閔中為定嘉王侍講府寮缺真御史陳襄請擇人神

宗曰如鄭穆德行乃宜左右王也居館下三十年在三邸一紀

非公事不至執政之門講說有法可為勸戒者必反復摘誦

王敬禮焉四朝國史

多所裨益

李浩字德遠兼恭王府直講在王府多所裨益且因事以及時

政書之於冊上或見之。王亦愛重。公他日補外。累年乃歸。王聞之欣然曰。李直講來矣。

校正九經

孫奭字宗古。為諸王府直講。校正九經正義。東都事畧。

庶專講授

熙寧元年五月言者謂諸王宮教授向來率用朴學醇儒。近以員多所用之人或異於前者。西漢以博士不通政事者補諸侯王傅。欲下兩制及國子監舉有學行不通政事者。充仍限年五十以上。庶專於講授有益宗室。詔如有缺宜令合入院國子監舉朴學純誠行義無缺年五十以上充。會要特為加禮。

校書郎王十朋兼建王府小學教授。先是教授入講堂則與鼻孫敘賓主而教授居賓位。十朋不可。王特為之加禮而位教授於中。中興系年錄

王府替員讀

歷代沿革。唐開成元年宰相李石奏。太子有待讀。諸王亦有侍讀。無隆殺之禮。宜改奉諸王講讀。宋英宗治平元年諸王府置侍讀一人。職略以為太平興國中始置侍讀。侍讀與此不同。當考。徽宗政和七年張大亨奏。切見講讀之官在太子謂之侍講。侍讀而在諸王府者亦有侍講。侍讀官號比擬稱讀相。系詔諸王府侍讀改為替讀。侍講改為直講。

文學俱長

徐摛字士秀高祖謂周捨曰我求一文學俱長兼有行者欲令與晉安王緯遊處捨曰臣外弟徐摛形質陋小若不勝衣而堪此選高祖曰必有仲宣之才無問其容貌乃以摛為侍讀

節義之風

姚思廉仕隋為代王侍讀高祖定京師獨思廉侍王觀者歎曰仁者之勇謂此人乎太宗嘗語及隋事遣使遺物二百段致書曰想卿節義之風故有此贈唐書

侍讀四王

燕公碑曰桂山徐聃字將道更潞沛豫周諸王侍讀四王之門

從容經席

義兼師友

宋蔡挺傳允抗字子直為潁川郡王伴讀英宗在藩邸器重之請於濮安懿王願得與遊每見抗衣冠盡禮義兼師友東都事略

諸王宮大小教授

歷代沿革

宋太宗至道元年以員外郎孫贍充皇侄皇孫教授

從所號也

時中書言按唐文宗胡宰相李石奏太子有待讀

諸王亦有侍讀無隆殺之禮請改為奉諸王講讀今皇侄皇孫是環衛之職以教授為名從之真宗咸平元年以朱昂兼

南宅教授張蔚兼北宅教授嘉祐以來署諸官教授立講書

課試規罰之法

此事見紹興五年錢觀復奏疏中與會要又朝野雜記云咸平初命諸王府官分兼南北宅教授南官者大祖太宗諸王之子孫處之所謂睦親宅也北官者魏傳王之子孫處之所謂廣親宅也

英宗治平元年教授更不兼官以

兩處供職有所廢闕會要時宗室本支之盛自率府副率以上八百餘人而教授之官不負而已因詔增置教授官凡皇族年二十以上者百十三人置講書四員年十五以上者二百九人增置教授五員年十四以下者別置小學教授十二員并舊六員為二十七員以分教之太學京朝官充小學選人充四年詔今後諸官院大小學教授有缺令國子監與學士院會入院輪舉熙寧元年小學教授亦輪京朝官元祐二

年詔諸官學教授闕選所舉學官及可為師表可備講讀科

不定則三省選陞朝官有出身年四十以上者充崇寧二年

睦親宅及北宅廣親宅各太學小學教授一員廣親北睦親

西及周主官大學兼領小學各二員大小學兼領始于此朝野雜記

其後言者以官冗併大小學官又更員數每變以寡

失法意矣

羣書要語

成童誦習經書小學通達名數

治平詔朝夕勸善日

月計能

有明師之切劘

並同上

置在官邸敷訓羣言胡文恭

行李恂制

藩房授道有惠訓不倦之勤

同上 行同安制

古今事實

置都講教授

宋治平中宗室四千餘人親王置翊善侍講記室餘則逐官院
置都講教授歲時有喜慶則燕崇政殿或太清樓

外有明師

治平六月五日詔內有懿親之表率外有明師之切劘懋進汝
功用符朕意

揀履行端慤

仁宗嘗曰諸官院教授非止習經旨亦須揀履行端慤者於是
以張維翰充

舉士行朴厚

治平四年詔諸官院教授須舉士行朴厚實有經術恪靜自守
衆所共推者即不舉權貴親戚會要

為元箴獻

吳充兼吳王宮教授他官多與宗室狎無誨道之義充獨以嚴
見憚宗子相率闕廳事設講席受經英宗在藩邸心重之為宗
室元箴以獻一日視二日聽三日好四日學五日進德六日崇
儉仁宗命寫賜皇族英宗書之座右神宗實錄

始正講席

吳申字景山英宗擇官教導宗室以為睦親宅都講初宗室坐
序爵仍自為賓主講官位主席之東隅申不肯坐且曰宗室當
以親族尊卑為序與講官分賓主至再移書太宗正宗正不能
決因內朝出一書英宗是之宗室講席自申始同上

經史啓迪

劉章字文孺紹興中兼普安恩平兩王府教授公事王邸閱四
歲暴忠篤誠以經義史學啓迪掖道受知孝宗自此始

兩制舉所知

治平二年蔡抗言今後諸官院教授有缺並下兩制舉所知以
盡天下之才從之國史

新編古今事文類聚遺集卷之九

建安 祝淵 宗禮 編
金陵 唐富春 子和 刊

節使部遺

承宣使

此下補外集防禦使之後

歷代沿革 唐中世以後節度使往往自擇將吏號為留後唐兵

志宋 汭 唐制方鎮有節度觀察留後 職略又官制舊典祖

宗時留後惟宗室國戚自當叙遷若外官唯馬步軍都指揮
使方就除焉馬軍帶留後步軍帶觀察餘無至者獨內臣任
都知又次官至延福宮使景福殿使者方帶留後觀察皆為

選郡其外官選郡止於防禦使而已

政和七年詔觀察留後

乃五季藩鎮官以所親信留主後務之稱不可循用可冠以

軍名改爲承宣使四朝志承宣觀察防禦團練使刺史爲正

任領他官者爲選郡淳熙重定令選領者並止本官叙遷正

任者次第轉行四朝志靖康元年臣僚言選郡正任思數遼

絕自選郡遷正任者合次第轉行今有自選郡與落階官而

授正任直超轉本等正官是皆奸巧希進躡取乞應選郡承

宣使有功勞除正任者止除正任刺史從之

羣書要語留臺之秩實亞節旌龍溪除皇叔祖仲明制

古今事實

武臣正任事見公革

承流宣化

陳靖轉選郡承宣使制夫自刺史而上皆武者之高選苟非尤
恩不以叙進况承流宣化名秩益顯尚思稱塞無或不祗張于湖集

觀察使

歷代沿革唐正觀初遣大使十三人巡省天下諸州水旱則遣

使有巡察安撫之名神龍三年以五品以上二十人爲十道

巡察使察舉州縣再周而代景雲三年置十道按察使道各

一人開元二年曰十道按察採訪處置使二十年曰採訪處

置使分十五道天寶末又兼黜陟使乾元元年改曰觀察處

置使唐職官志又事物紀原以爲至道元年置觀察使與志

不同當考 掌察所部善惡舉太綱凡奏請皆屬於州歲以八

月考其治以豐稔為上考省刑為中考辨稅為下考唐百官

志 宋 洽唐制置諸州觀察使凡諸衛將軍及使選領者其

資品並止本官叙 防禦團練使刺史亦同 祥符中詔觀察使

並帶刺史 翰林學士陳彭年言檢討唐以來故事觀察使並

合帶刺史詔自今除觀察使可兼領之 政和中詔承宜觀察

使仍不帶持節等 四朝志

羣書要語周以十聯率諸侯若今之廉察也 自集以佐軺車

宜得良帥俾之澄清 操郡印而握兵符假左軺而帖中憲

廉察諸侯糾繩列郡 澄清郡邑鎮撫黎元 宣理輪之威布

露寬之政 當至治之朝委廉察之寄 俾觀風於廉察 榮

徠諸郡綱紀列城奉詔條以安人衆戒索以訓旅 並白集除觀

察使制 觀風察俗 六帖 提綱振領 明闡使威勤宣王命 求

人瘼分國憂 並同上 春施秋殺陽開陰閉令脩於戶庭數日之

間而人自得於湖山千里之外 韓文滕王閣記 廉察一州以為

爾寵 南豐三師約制 軺車問俗 曲阜制 廉察之使始於有唐非

有勤勞蓋不輕授 同上 按廉州部 李綬制 觀風之印 胡文恭制

詩句稽山鏡水歡遊地犀芾金章榮貴身 白君易賀元徽之除 浙東觀察詩

在事事實

廉使

柳公綽為鄂岳觀察使至安州刺史李聽以廉使禮事之

賜新制服

唐貞元賜節度觀察使新制時服上曰觀察以鴈旣威儀取其行列有序冀牧人有威儀也注威儀即瑞草也

有大功德

宣宗時宰相語元和時治民孰第一周墀對曰臣常守江西觀察使常舟有大功德被八州歿四十年老幼思之不忘乃詔上冊功狀刻功於碑後子宿亦為江西觀察使政簡易江西以為世官

至設鄉校

常茲為福建觀察使閩人未知學衮至設鄉校使作文章親加勸導由是俗一變歲貢士與肉刑等乃繕陴隍

張建封為觀察使是時四方多故乃繕陴隍益治兵四鄙附悅希烈使掌帥悍卒來戰建封皆沮劔之

使通貿易

崔陵遷湖南觀察使湖南舊法雖豐年貿易不出境陵部災荒不郵陵至謂屬吏曰此豈人情乎無閉糴以重困民削其禁自是商賈流行貨物益饒

蠲橫租錢

衛次公為陝虢觀察使蠲橫租錢歲三百萬

惡俗大變

李德裕為浙西觀察南方信機巫雖父母癘疾子棄不敢養德裕擇長老可語者諭以孝慈太倫數年惡俗大變又按屬州非

經祠者毀千餘所撤私道山房千四百舍寇無所履天子詔褒

賜鞭表忠

張建封貞元四年為徐泗濠觀察使入覲德宗禮遇加等及還
鎮賜詩又令賚所執鞭賜曰卿忠正節義歲寒不移故以賜卿
表忠節也

嘗夜登城

呂元膺為御史中丞拜鄂岳觀察使嘗夜登城守者不許左右
日中丞也對曰夜不可元膺乃還明白擢守者為太尉入拜尚
書右丞

決事精明

崔咸遷陝虢觀察使日與賓客僚屬痛飲未嘗醒夜分過決事
裁剖精明吏稱為神

德裕儉約

李德裕為浙西觀察使初潤州承王國清亂竇易直傾府庫資
軍費用空德裕自儉約以留州財贍軍雖儉而均故士無怨每
暮服物充牣

敬晦儉勤

敬晦歷浙西觀察使時南方連有詔馳摧酒茗官用告乏敬
晦儉勤費力遂充

謹重刑法

沈傳師為江西觀察使徙宣州傳師於吏治明吏不敢用謹重

刑法每斷獄召幕府平處輕重盡合乃論決

豪右畏戢

韓休累遷桂郡觀察使部二十餘州自參軍至縣令三百員下車一吏持籍請補闕員休下教曰須按籍取可任任之會春服使至鄉有豪猾厚進賄使者求為縣令休召鄉豪責以撻法答其背以令郡中自是豪右畏戢

美譽四騰

吳湊為福建觀察使政勤清美譽四騰與宰相竇參有憾參數短毀又言湊風痺帝召還念其疾非是繇是不肯參

獻丹宸箴

唐敬宗荒僻日甚大臣罕見進言浙西觀察使李德裕身居廉

鎮乃心王室遣使獻丹宸箴六首

幕職文士

元稹為浙東觀察使遊會稽佳山水所辟幕職官昆自當時文士而鏡湖秦望之遊月三四焉副使竇鞏海內知名與元稹酬唱至今稱蘭亭絕唱舊唐史

郡租自給

柳公綽為鄆岳觀察使先是百姓輸賦於州有上供送使留州建中初定兩稅宰相裴均奏請天下留州送使物悉令上供觀察使乃以所蒞之郡租賦自給若不足然後取於支郡

戎服趨庭

唐故事刺史始見觀察使皆戎服趨庭致禮齊次廉察江西行

部過吉州刺史令孤岷不以我服謁入

持系金魚

陳堯咨自龍圖閣學士換觀察使目陳本儒生蒙陛下易以武弁所借者腰下無金齒袋命持系金魚以示優恩

禮秩待制等

放談云今官至觀察使禮

待制等

古今文集

雜著

黔州觀察使新廳記

權德輿

古者諸侯路寢成則考之今刺史頒詔條而都府廉支郡辯章命令必有彼處署者位之表也一方之所屬自焉黔中焉楚西

南傲道在漢為武陵莊驕循江以略地唐蒙浮船以制越五溪襟束為一都會長入者急之則愁擾以走險緩之則橫猾而犯禁故分命者得持節按部而輯綏之視他邦授律之不若也元和二年夏四月制詔商州刺史隴西李君以中執法剖符茲土凡四使十五郡五十餘城裔夷若險以州部修貢職者又數倍焉寮廉經理招徠教化以柔遠人以布王澤先是兵火焚如之後公堂庫陋享士接賓禮容不稱君乃規崇構開華軒西廂東序觀深弘敞廣夏翼張長梁暈飛脩廊股引麗譙對起自堂徂庭陟降攸寧耀名爽乎光明宣慈猷以洽平君子謂福黔人於此堂也信矣以李君敏肅而才代為宗室吏師先尚書嘗縣木農賦政於此凡七易守臣而君嗣其職老壯感泣猶鄭人宜栢

武之世焉君之長壽安也則泉噴玉在湖也則亭白蘋在商也則館丹水皆得勝槩流為詠誦及茲則興事任力休嘉弘大此物此志惠于斯人其他可知也其陟明可前知也書事以志美其右史記之遺乎

團練使 副使附

歷代沿革 肅宗乾元初置團練使守捉使大領十州小者三五州 唐職林 代宗時元載當國冷刺史悉帶團練使 唐職林李少良傳 大曆八年晉州男子郇謨欲以二十字上獻多譏切元載其言團者願罷諸州團練使少良尋為戰所殺 大率團練皆隸所治州歲以八月考其治否以安民為上考德安為

中考 得情為下考 唐百官志

宋 沿唐制置諸州團練使 職

羣書要語仍假符於刺舉 常集攝刺史制 訓練團結 曲阜制 肅縮戎團分持軍簿 胡文恭賜團練詔 戎團之列 曲阜制 分摠戎團蓋參中權之御 王岐公除王道制 兵團之制以訓練為事 曲阜除皇兄制 甄進兵團之任 南豐除景青制 團兵重任 南豐擬制

古今事實

官號重複

楊綰奏刺史自有持節諸軍事以掌軍旅司馬古司武所以輔軍即今副使司兵參軍今團練判官官號重複可罷天下團練守捉使詔可

郊祀進秩

事類彙編 卷之九

工部侍郎錢昱為鄂州團練使昱淑子也三州無善政至是郊祀進秩上謂宰相曰昱貴家子無檢操不宜任丞郎故有是命

古今文集

雜著

湖南都團練副使廳壁記

呂溫

湘中七郡羅壓上游右振梓蠻左馳騁越控交廣之戶牖扼吳蜀之咽喉翼張四隅襟東萬里天下之安危係焉聖唐理雖復軍制不失備消息變化必惟其時由是部分荆衡復古南鎮輕其兵徒而重其統帥易其將校而難其參佐所以顯仁藏用明道晦權成師於禮樂之中講武於文章之內雍容易簡四十餘年名跡風流冠於當代始則裴讓議虬以逸材奇略傲視而靜

荒寇次則趙相公璟以高標雅望鬱起而為國楨其餘馮郎中嶷之碩重房容州孺復之英達鄭評事列張著作季文之美秀洎張和州惟儉廬侍御解佐我先大夫宣慈明允實有成績是皆焯于朝論清在人誦者矣元和二年冬天子命御史中丞隴西李公以永嘉之循政京兆之懿則廷賜大旆俾綏衡湘威如秋霜無私凋惠如夕陽無私煦用人如止水無私鑒始下車表前副使殿中侍御史扶風竇君常字中行以本官復職於是監察御史河南穆君寂河內司馬君紆范陽盧君璠太常寺叶律郎河東薛君存慶前咸陽縣尉吳郡顧君師閔前太子正字隴西李君礎前太常寺奉禮郎京兆杜君周士前延陵縣尉同郡杜君賞羣材響附各以類至文雅之器歲餘大備錯金碧於精

壑絳孔翠於春林。退適翕然稱為盛府。中行感會。知已竭其誠。能黃鐘音韻。調於嶰谷之竹。大阿鋒鏃。拭於華山之土。其吟鸞鳳。斷犀兕。不足恠也。竇氏伯李同時七人。一居方伯。二列華首。四在諸侯之館。名教之樂。縉紳慕焉。以温近守支郡。且知故實。得請連帥。俾書公堂。媿於不文。安望堅讓。元和五年七月記。

壽州團練副使廳壁記

沈亞之

戰國南北書更言。故世諸豪爭據于壽春。或兵至百萬。有不能得者。豈地勢為要津乎。自建中以來。淮夷窟叛於蔡。天子之詔或討或赦。由是壽春備為東塞矣。為之守者皆佩將軍印。幕府符書之設。擬於方鎮。而有副使之官焉。元和中。常公武以殿中侍御史為之。九年秋。蔡兵叛。壽春守令狐通引兵屯霍丘。副使

得屬卒百餘人。留郡中。冬。蔡兵大入馬塘。寇鄧家城。殺其將卒五千餘人。虜民男女焚壞邑室而去。郡中驚駭。民人多流。其家而東。副使因言曰。壽春其地。塹水四絡。南有淠。西遶淮。賴東有淝。下以北注。激而迴焉。西流環郭。而瀆入于淮。此天與險。於是也。假如愚民能弃其業。西流即為蓬徙。塵走耳。安與國是為利耶。乃出家奴與民戶一丁俱為水土。決安豐已南。陂池會其流于城傍。野中浸注。如澤焉。以故居民流心稍稍復定。時馬塘鄧家城既陷。霍丘方畏寇乘其虛。復飛語為謠。以惑其俗。曰。狐死首立。井閭方傳之者。老日果守不能保是矣。守聞之。益恐。遂弃其城亡歸。是日霍丘焚。行來未及郡。會日暮。使吏馳告副使。以歸狀。令得夜開壁。吏至壁。卒捍關。吏不得入。呼罵其卒。副使立

城上曰某得命於詔城晝授即晝復之今守獨入而卒露無為也如驅與俱來寧不知盜居其間得夜則禍成矣或幸而止於郵平明關關介士陳兵夾道驗其號以入卒無敢越伍而趨居有頃守有謫去詔以李將軍代將軍西出強兵臨萬勝城復以副使掌留事明年陟其能得加侍御史是歲亞之東觀戰至壽春得副使之跡題之於署下以記行事之時云

國信使

歷代雖不以國信為官然使絕域事多亦可備用併載于此

歷代沿革漢高祖遣樓敬使匈奴結和親約此中國與北虜通使之始也五代間有之宋朝之興太祖平海內契丹勢弱開寶七年使耶律琮遣雄州孫全興書願講和好明年遣使

克妙骨謹思

奉書自是使命始通

會要云命使並取旨選差

令著為令我朝遣西上閣門使郝崇信太常丞呂端為使此報聘也復遣秘書省校書郎御史館宋準假朝請大夫少府監殿直郝文度假右衛率為契丹國信使先是奉使不借官至是始借官是時以國信為名未有賀正之目也又明年太宗即位命馮正張玘為使繼好未有告登寶位之名也太平興國二年命李續為契丹正旦使而賀正之名自此始景德澶淵之役二年命周漸為契丹生辰使而生辰之名自此始不持此也國母亦有生辰正旦使是年孫僅為生辰使韓自華為正旦使會安謂乾興元年張師德為契丹國母生辰使以為國母生辰命使自乾興始按景德二年已遣國母生辰

使類身得謂自乾興始蓋誤 真宗上仙遣薛貽鄭使於是有告

哀之名遣薛由使於是有遺留禮物之名遣任中行使於是

有告登寶位之名遣劉錯趙賀使於是皇太后皇帝廻謝

禮物之名慶曆中契丹遣使求關南地富弼增幣與平因為

報使嘉祐三年契丹毋蕭氏卒遣朱處約為祭奠使李師中

為吊慰使建中靖國六年命張舜民為遼國賀登位國信使

自是使名益眾矣已上用會要續會要纂緝建炎中興未和

則有新請使通問使建炎元年遣傅虜為祈請使王倫為通

問使已和則有報謝使八年韓肖胄嘗為之紹興十二年沈

昭遠充生辰使楊愿充正旦使自是歲遣金國生辰正旦使

焉中興會要

屢書要語使於四方不能專對雖多亦奚以為語使於四方不

辱君命同上丁年奉使白首而歸李陵與蘇武書出禮義之鄉

入無知之俗同上隨絕域之聘人領天偶之歸客白六帖歸要

領於闕下下斥堠於疆外元和制詰服一介之使合兩君之忻

者左右之臣也賈誼新書授冊與節臨軒遣之庶乎遠而有光

華且使絕俗殊鄰益敬吾使也白集裴通制

詩句儒衣山鳥怪漢節野童看杜甫送楊判官使西蕃身帶霜

威辭鳳闕口傳天語到雞林劉禹錫送使新羅詩又見子卿持

漢節遙知遣者泣山前東坡次韻子由使契丹豈幾年來亦甚

都時時鳩舌問三蘇東坡詩朱顏使者錦貂裘笑語春風入貝

州王荆公逢北使歸詩

事文類聚

古今事實

無憂客使

晉士文伯讓子產曰以弊邑刑政之不修冠盜充斥是以令吏人完客所館高其閤閤厚其墻垣以無憂客使左傳

結轍於道

漢文帝二年詔使者冠蓋相望結轍於道以諭朕意於單于

使南越

陸賈使南越尉佗賜賈橐中裝直千金本傳

郎將擁節

使匈奴中郎將擁節秩比二千石漢舊儀

杖節牧羝

蘇武字子卿使匈奴匈奴欲降武乃幽武置大窖中絕不飲食天雨雪武卧齧雪與旃毛并咽之數日不死乃徙北海上使牧羝杖節牧羊卧起操持節毛盡落武留匈奴十九年始以下壯出及還鬚髮盡白

鴈足帛書

匈奴與漢和親漢末武等匈奴詭言已死後漢使復至匈奴武夜見使者教之謂單于言天子射上林中得鴈足有繫帛書言武在某澤中使者以讓單于單于驚謝漢使遣武歸

堂堂漢使

蘇武使匈奴匈奴脅武令拜以刀臨之武曰堂堂漢使安能屈於四夷哉

報使單于

後漢永平八年遣越騎司馬鄭眾報使北單于

以盡臣節

路溫舒願給廩養暴首方外以盡臣節

去節黥面

匈奴詰漢使不去節不黥面不入穹廬王烏君胡事乃去節黥面單于愛之遣子入侍

久在絕域

班超仲叔久在絕域思土上疏願生入玉門關帝從之後封定遠侯

不失漢節

張騫使月氏匈奴留塞十餘載持漢節不失後封博望君

使不去節

漢楊信使匈奴信倔強不肯去節乃坐於穹廬外

使益得職

漢自貳師伐大宛之後西域震懼漢使者益得職

回紇皆拜

李洵持節送公主於回紇署董晉判官回紇恃有倨因問歲市

馬而居歸我賄不足何也晉曰我非無馬而與尔為市為尔賜

者不已多乎眾皆南向拜不敢有言

古今文集

雜著

善文類彙編 卷之九 十三

華戎魯衛信錄總序

蘇頌

元豐四年八月奉詔編類北界國信文字臣竊惟念國家奄宇四海方制萬區九夷八蠻罔不率俾蠢茲種後早以函內章聖皇帝因其喪師請和許通信好歲時問遺寢以訓備陛下欽若成憲羈縻要荒乃命儒臣討論故事將欲垂於方冊副在有司其所以慮遠防微紆意及此者皆以偃兵息民故也顧臣愚陋不足以奉承明詔罷勉期月粗見綱領詮次類例皆稟聖謨前詔斷自通好以來以迄乎今將明作書之繇故以叙事冠於篇首厥初講和始於繼忠書奏虜主乞盟之請賜以俞旨由是行成故次之以書詔既許其通好乃有載書以著信故次之以誓書昔之和戎則有金縢采繒之賂我朝歲致銀絹以資其費故

次之以歲幣恩意既通又有好貨以將之故次之以國信信好不可單徃必有言詞以文之故次之以國書異國之情非行人莫達故次之以奉使之別則有接送館伴所經城色郵亭次舍山川有險易道塗有回遠若非形於績事則方嚮莫得而辨也故作驛程地圖前後遣到名氏非一職秩不同南北群臣交相禮接年月次序散而不齊既為信書不可無紀故作各衙年表夫如是而使事盡矣通好肇於戎人我從而聽之凡問遺之事皆列比信比書於前朝廷所遣乃報禮也故載之於後所以著其所後從來也凡使者之在道則有郵館宣勞之儀入朝則有見辭宴賜之式禮意䟽數並有節文故次之以儀式又次之以賜予虜待王人亦有常矩無敢違越故以持禮過北界及北界

分物係於後使者宜通賓主之歡而贊見之禮不可闕也故次
之以交馳問勞往返詔宣書劄體範存焉故受之以詔錄又次
之以書儀信幣則有齋操之勤道從則有輿隸之衆雲登所及
無不均通故次之以列物使者至都上恩顧郵靡所不至或貿
易貨財或須索供饋或丐求珍異許予多矣故次之以市易而
供須求丐附焉南北將命往還約束細大之務動循前比故次
之以條例凡此皆常使也誕辰歲節致禮而已至若事于大體
則有專使以道之故次之以之使疆場之虞節守當任其責則
接境司州得以公牒往復故次之文移事非司州所能予奪至
待命官及疆吏對議者代州移徙巡鋪界壕是也故次之以河
東地界疆界既辨則邊圉不可不謹故次之以邊防其別又有

州郡壁壘之繕完砦鋪塘濼之限斷載於輿地所以示守備之
嚴也凡為此書本於通好遼人則彼之種族自出不可不知遼
本契丹也故次之以契丹世系虜與中國言語不通飲食不同
逐草隨畜射獵為生難以禮義治也朝廷所以能固結而柔服
之蓋知其愛好之實也故次之以國俗耶律氏僭號中華有年
數矣爵號官稱往往竊名故次之以官屬而宗戚俸祿三者相
須並見於夷狄之俗恃險與馬由古然矣故次之以關口道路
又次之以番軍馬遼之為國幅員不過三千餘里而並建都府
兼置州縣輜車所過宜詳其處故次之以州縣彼裔夷也并有
奚激故土外接太荒之境其可見者宜兼著之所以示天聲之
遠遠也故終以番夷雜錄而經制方略論議奏疏附焉臣竊觀

前世制禦戎狄之道載籍所記不過厚利和親以約結之用武克伐以驅除之或入朝質子以制其命漢唐之事若可信也然約結一解則陵暴隨之彼豈不得其術耶蓋特一時之安而不圖經久之利固也淵謀碩畫何代無之至于我朝乃得上策年歷七紀而保塞無患歲來信幣而致禮益恭行旅交通邊城晏閉黎民土著至老死而不知兵革自書契以來戰兵保定未有如今日之全勝者也聖上方恢天下之度以威懷遠人猶慮有怠慢令取侮遂案圖籍揭為令典使之循守無得而踰後雖有忿驚悍黠之虜欲啟事端繩以章條彼當自屈若然舉遼朔之眾唯上之令則是書之作可謂規撫宏遠而德施無窮矣然以今日承平之勢當彼百年既往之運狃我涵煦後心漸萌侈極

而微形兆茲見彙街管館行可致其俘入矣姑撮其大要概副聖辰經遠之慮摠二百卷卷有允併則釐為上中下謹條事目具於左方

擇使

孫洙

今北虜強抗中夏若古之大敵國聘問歲至日窺吾國家之隙暴侮甚矣朝廷北遣使介初不擇人頗無辯對之材可使張明中國之威信以讜伏戎虜之心者苟欲以戎人幣賜寵之故所遣使人不復有稱於絕域者徒侈潔車服整飾騶旅以夸視於夷落細禮曲謹悉受訓策屈膝虜庭拜望跪起少不敢輒異還上語記一辭不中繩度則按以重罪遣削黜矣雖復間選左右名德方重之臣然皆束於儀矩屈齎憤結俯仰上下雖有勁辭

直氣奇謀博辯。刀筆在後。蓄不得發。其毅然欲存國大體者。法
吏反以爲生事。而左遷之。故妄庸之臣。苟欲畢事。低首下視。暗
不敢高吐氣。甚者或發狂疾。以自免。或對館人。醉舞跳跟。笑呼
妄詬。重爲黷虜所姍笑。彼戎主方驕。吾以繁禮妄說之。未足怪
也。至於髮首之胡館勞王人者。亦復狂誕。夜皆邀狂。王人屢省
而蹇仰自便。甚可恠也。夫以堂堂中國。而一介之士。如此折辱
天威。墮損國命。臣切羞之。昔漢鄭衆。不忍持大漢節。對虜裘獨
拜。而拔刀自誓。唐商侑。堅立不動。責可汗之失禮。李景略。以氣
制梅祿。坐受其拜。近者晉天福中。王權猶曰。義不能稽顙於穹
廬之長。而違詔得罪。欣然就貶。故大節之士。直躬狷義者。非私
一身。而以尊主上。重國家也。今陛下待虜過厚。責使者之法大

密。故不復有倜傥偉節之士。立威名於戎虜。而使虜知中國之
多賢也。而使者亦復氣息奄然。不自振起。唯戎人之所嫚視。而
踞俟之。臣聞古之大夫出疆。有可以安國家。定社稷者。專之也。
又曰。受命不受辭。何則。機事之會。間不容一息。樽俎之間。折衝
萬里。豈復拘於應對之細。失容貌之苛謹哉。陛下宜與大臣預
擇廷臣。辯論通古今。副直有威望者。俾使北庭。使一言足以雄
中國之威。奪疆胡之氣。譬說禍福。以厭抑貪狼之心。其舉動言
辭。小不谷者。無法以繩之。非有大過類。可濶略。使得馳騁辯博。
應變不窮。則專對造命之士出矣。

送殷員外使回鵲序

韓愈

唐受命爲天子。凡四方萬國。不問海內外。無小大。咸臣順於朝。

時節貢冰土百物大者特來小者附集元和睿聖文武皇帝既
嗣位悉治方內就法度十二年詔曰四方萬國惟回鶻於唐最
親奉職尤謹丞相其選宗室四品一人持節往賜君長告之朕
意又選學有經法通知時事者一人與之爲貳由是殷侯侑自
大常博士遷尚書虞部員外郎兼侍御史朱衣象笏承命以行
朝之大夫莫不出餞酒半右庶子韓愈執盞言曰殷大夫今人
適數百里出門惘惘有離別可憐之色持被入直三省丁寧顧
婢子語刺刺不能休今子使萬里外國獨無幾微出於言尚豈
不真知輕重大丈夫哉丞相以子應詔直誠知人士不通經果
不足用於相屬爲詩以道其行云

送石昌言舍人北使引

蘇洵

昌言舉進士時吾始數歲未學也憶與群臣戲先府君側昌言
從旁取米粟噉我家居相近又以親戚故甚狎昌言舉進士日
有冬吾後漸長亦稍知讀書學句讀屬對聲律未成而廢昌言
聞吾廢學雖不言察其意甚恨後十餘年昌言及第第四人守
官四方不相聞吾日以壯大乃能感悔推折復學又數年遊京
師見昌言長安相與勞苦如平生歡出文十數首昌言甚喜稱
善吾晚學無師雖曰爲文中心自慙及聞昌言說乃頗自喜今
十餘年又來京師而昌言官兩制乃爲天子出使萬里外疆厚
不屈之虜建大旆從騎數百送車千乘出都門意氣慷慨然自思
爲兒時見昌言先府君旁安知其至此富貴不足怪吾於昌言
獨自有感也大夫夫生不爲將得爲使折衝口舌之間足矣往

年彭任從富公還。為我言曰：既出境，宿驛舍，聞介馬數萬，騎馳過，劍槊相摩，終夜有聲。從者怛然失色。及明，視道上馬迹，尚心掉不自禁。凡虜所以誇耀中國者，多此類也。中國之人不測也。故或至於震懼而失辭，以為夷狄笑。嗚呼！何其不思之甚也。昔者秦春君使冒頓，壯士太馬皆匿不見，是以有平城之役。今之匈奴，吾知其無能為。孟子曰：說大人則藐之。况於夷狄，請以為贈。

再論遣使劄子

胡致堂

臣竊聞宰相張浚有論使事為兵家機權，與臣所論事理不同。今何辭遂行不可救止，臣待罪待從。初有所陳，已荷聖知。今浚以輔國謀臣陛下之所改類而禮貌之者也。勢難以臣故以沮

其議。臣不當力論取勝，徒成紛紛。然臣再三思慮，終未曉浚之說。頃至剖析，聞於聰聽。陛下留神省覽，姑且志之。聖懷俟他日驗臣所計與浚執中執否，則使事之利害決矣。今則未敢求直也。粘罕總師二十餘年，破大遼，弱我宋，雖無遠略，亦精於用兵。其所行事，蓋詭詐也。今我之虛實，彼豈不知。尚頂卑辭，執謙然後足以驕其心，示弱屈服，然後足以平其怒乎。此遣使之無益一也。庚戌後，不遣使虜兵亦不來。及癸丑遣使，則鉤引虜使入國，熟視而去，曾不旋踵。而淮南之警，言至矣。此遣使之無益二也。前我所遣四輩皆朝廷之選，侍從之臣，聞其入虜境，晝夜驅遞，略無禮節。及見粘罕，坐受欺給，忽忽而歸，未嘗得其要領也。而况何薛一使，臣其何能任。規國之事乎。此遣使之無益三也。

也昔當弱之使也。以一言息南北百萬之兵。可謂備矣。使歸行
賞遷進官職。弼方以中國未能用兵。徒賴使人。口舌下虜為莫
大之耻。終不肯受其識度如此。乃可辦國。今秦使者首先論其
私事。祈求恩澤。一足意而後行。所慮卑近。與市井之人無異。
尚能明目張膽。不辱君命乎。此遣使之無益四也。萬一虜賊臨
以兵威。肆其恐脅。使人必不能就死。則反以我之情告之。是自
敗也。死生之際。唯烈士不懼。曾謂何辭而能之乎。此遣使之無
益五也。虜賊之所大欲者。誰不知之。既有無厭之心。正使劉豫
明白就亡。今日亦必赴救。而况豫賊祈求乞援。秋高草熟。來寇
何疑。此不待窺覘。自可坐照於一堂之上也。此遣使之無益六
也。今淮以北。劉豫自以為封疆矣。河之北。粘罕自以為其土宇

矣。使者之行。豈能乘雲馭風。徑至虜庭哉。必渡清河之阻。經濁
河之限。然後能至也。去冬。詔罪狀劉豫。明其為賊。今豫肯實
吾使人達之於虜哉。臣恐戎伐凡伯。則有之矣。此遣使之無益
七也。今我與虜之勢。如兩家有沒世之怨。一弱一強。強者侵陵
不休。弱者必固其門墉。嚴其戒備。待時而動。庶能有濟。乃欲命
一僕夫。啗以酒肉。悅以金帛。適足以重吾之弱。增彼之強而已。
此遣使之無益八也。自古兵強馬眾。玩武不戢。而無自焚之變
者。此五胡英傑。勒曜垂理之所難也。粘罕好財貪色。兇殘不義。
特盜賊之靡耳。非有保國永世兼并天下之術也。度其勁兵壯
者。老者死。其馬之齒日已長矣。其謀臣志滿意得。况酣乎子
女玉帛之間。不越數年。必有禍敗。此易見也。萬一今夕當勸豫

賊跡於一來陛下申嚴將士據大江之險以禦之彼再而衰三而竭必矣小小勝負兵家之常今未有兵交之形而遽自納侮以示畏恐情見力屈當反為所乘非兵家形格勢禁之法此遣使之無益九也夫和人之心迎合粘罕之意為身謀而已陛下寤寐賢才日昃不倦菲衣節食卑宮室陋器用以養戰士固將為父兄擄覆載不同之情雪倉浪不滌之耻也若堅用和策則謀臣解體義士喪氣將帥偷安而卒伍泮散以為無復有輸忠效智建立功名之日使和人自謂其說可用如此必有進為之漸以國與人取悅粘罕大事去矣此遣使之無益十也獨有一說使陛下難處者以二帝為言耳然自建炎改元以來使命屢遣無一人能知兩宮起居之狀聲歎之音者况令歲月益久虜

必重閱惟懼我知之今以虜為父兄之讐絕不復通則名正而事順他日或有異聞在我理直易為處置若通而不絕則虜握重柄歸曲於我名實俱喪非陛下之利也使或有知二帝所在一見慈顏宣達陛下孝思之念雖歲一遣使竭天下之力以將之亦何不可之有其如艱梗悠邈必無可達之理乎以此揆之則以二帝為言者理不難處也臣聞善為國者必有一定不可易之計正其大義不僥倖以為之漢高祖出關得董公之謀以弑君討項羽後雖屢敗然項羽負不義之罪雖強必弱漢守其策不變終有天下然張良峴關之舉養虎之喻君子猶羞道之及劉先生諸葛武侯志在復漢目操為賊亦能三分鼎立魏延出奇欲速孔明不求近功君子以為真以天下自任者古之英

雄規模注措大抵如此。三國崛起曹氏先據利勢蜀最後立豈以微弱之故卑下於操以苟存耶。孟子曰君如彼何哉強為善而已。今日大計只合明復讐之義用賢才修政事息民訓兵以俟。北向更無他策。倘或未可。惟是堅守若夫二三其德無一定之論必恐不能為至。於何難之行。非特無效。決須取厚。臣所見如此。豈得以張浚有言而自抑也。

古詩

送王誠之舍人使北方得揮字 洪邁

歲晏滯急景。霜雪日霏霏。家居尚無事。何況披征衣。舍人使持節。正爾辭帝畿。揚鞭出門去。言向無幾微。中朝第一人。沙漠今宣威。朔庭天驕子。應覺眼見希。青春及南轅。花柳相光輝。雍谷

對宣室便可持。樞機蛾眉含笑迎。酌酒爭勞歸。金盃大如斗。客醉時一揮。

律詩

奉使燕山回早行書事 洪咨夔

露滿中庭月滿天。秋來懷抱轉悽然。客程恨不日千里。歸思亂如雲。一川故國傷心那忍說。遺民望眼幾回穿。當家舊事堪垂淚。海上看年十五年。

送洪景廬舍人北使 周必大

嘗記揮毫草檄初。必知鳴鏑集單于。由來筆下三千牘。可勝軍中十萬夫。已許乞雨朝渭上。不妨持節過幽都。吾君甚似仁皇帝。宜有韓公贊廟謨。

副使

歷代沿革 慶曆詔奉使接迭伴燕會毋過飲食語言務存大体
仍委使副通相覺察 會要

羣書要語 命介 左傳 禮大夫為卿介介副也 類要 禮卿出聘以
大夫為上介士為衆介 同上 便擢正郎之位尤增副介之榮 白
六帖

古今事實

次介假道
使者過邦至於境使次介假道 儀禮
奉玉帛聘

魏副介奉玉帛以聘 類要

繼好奉辭
繼好一邦奉辭萬里副車之任選亦不輕 白集賈蒙制

前命使臣洎介臣持節 元集邵同制

接伴使

歷代沿革 景德元年契丹遣使韓杞朝于行在命知澶州何承
矩郊勞翰林學士趙安仁接伴明年以杜夢證康宗元接伴
使迴日充送伴 會要 中興接伴使自紹興十一年差魏良臣
始 中興會要

古今事實

持節送客

馮奉世以衛侯使持節送大宛諸國客本傳

衛侯接客

東魏遣常侍李諧聘梁至建康武帝引見與語應對如流諧等出上目送之謂左右曰朕今日遇勅敵時南北通和務以復義相誇衛侯接客必盡一時之選無才地者不得與焉每梁使至鄴鄴下為之傾動魏使至建康亦然通鑑

敏於酬對

景德修好虜使至趙安仁接伴其觀見儀制多所裁定敏於酬對皆切事機時論以為得體

入境置頓

皇祐初接待契丹使者舊例使者入境所至置頓皆出於民珪請出大官供帳器血為三頓之具番休以濟迄今便之王珪傳

選能專對

本朝遇北使至即命接送館伴使並遴選有出身能專對之人宰臣取旨若副使則樞密院擬焉職略

館伴使

歷代沿革此即周環人之職也環人掌送逆邦國之道賓客捨則授館令聚橐象胥掌蠻夷閩貉戎狄之國使凡出入逆送之禮節幣帛辭而賓相之祥符二年詔自今契丹使有例外

贈遣接伴館伴使者再辭不已則許納會要國初無接伴館伴之使至景德元年接伴之名始見是年十二月契丹主遣姚東之自戎帳齎書至其效勞館穀並猶未正館伴之名也祥符之詔廼有館伴使未知的置於何時當是澶淵之後侯

考中興館伴自紹興十一年差莫將始會要

羣書彙語環人舍則授館禮晉師三日館穀左傳使在疆場膳宰致餼司理授館穀梁傳乃先謂受彼國之賓館左傳

古今事實

定客所館見國信使無宴客使注

館于班荆

景德二年命節度使石保真射于玉津園自後皆命樞密或節

臣主之及契丹辭歸賜宴于崇德殿日遣邇臣館于班荆館自是歲以為例西朝國史

不許虜使升位

程琳字天球天聖五年契丹遣蕭蘊杜防來以琳為館伴蘊出坐位指日中國使者至契丹坐殿上位高今契丹使至中國位下請升之琳曰此真宗皇帝所定不可易防又曰大國之卿小國之卿可乎琳謂南北兩朝安有大小之異防不能對曰冷宰相議或曰此紀爭也將許之琳曰後更欲其大者奈何遂止

新編古今事文類聚遺集卷之九終

新編古今事文類聚遺集卷之十

殿司部遺
建安 祝淵 宗禮 編
金陵 唐富春 子和 刊

新編古今事文類聚遺集卷之十

殿司部遺
建安 祝淵 宗禮 編
金陵 唐富春 子和 刊

總二衙

歷代沿革三衙即漢人之南軍也宋沿五代之制有侍衛親兵及殿前兩司蓋侍衛親軍起於後唐職略又石林燕語云侍衛親軍自梁起宜武軍乃以鎮兵因舊置在京馬步軍都指揮使而自將之蓋於唐六軍諸衛之外則為私兵至後唐明宗遂改為侍衛親軍殿前始於周世宗顯德元年五代

事文類聚遺集 卷之十

會要 宋朝侍衛親軍置都指揮使。雖都虞候亦在殿前都指揮使之上。淳化元年傳潛自殿前副都指揮使遷侍衛親軍馬步軍都虞候在殿前都指揮使戴興之上。咸平二年王超自殿前都指揮使遷侍衛親軍馬步軍都虞候實錄自王超罷職無復任者而侍衛司馬軍步軍遂分爲二。并殿前號三衙而馬步一軍始居殿前司之下焉。取各三司天下之兵柄皆在其權雖重而軍政號令則在樞密院與漢周閭史洪肇之徒爲之者異矣此祖宗之微意非前世所及也石林燕語

古今事實

周廬之師

親衛諸軍虎旅百萬蓋天下武鋒之萃也。既建二師以護周廬

之師國史

號八枕梯見四廂門

士識威名

高武烈坐瓊爲殿前都指揮使管軍員缺王兼領二司乃言曰先朝自殿前而下各置副都指揮使及都虞候常有千人職近事親易以第進又使士卒預識威名緩急臨戎上下附習此軍制之大要也上從之言行錄

招丁營圍

楊沂中提舉宿衛親兵時衛兵不滿二千病其寡弱於是招壯營教圍未半歲軍容果張中興系年錄禮繼一府

言人須及...

熙寧九年殿前都指揮使郝質言往軍器監與判監劉奉世會
議軍器上批殿前馬步三帥朝廷待遇禮繼一府事體至重寺
監小官豈可呼名自今止令移文定議續會要

見宰執橫杖

三衙內中見宰執皆橫杖于文德殿後主廊階下唱喏宰相出
立階揖之外遇從官於通衢皆避馬此禮久廢惟內中橫杖之
禮至今不廢也筆譚

與學士分道

寶元康定余自殿所還京見王君貺初作舍人在坐見殿前馬
步軍聯騎立門外呈務稱不敢求見舍人遣人謝之而去慶曆
三年余作舍人三衙軍相逢而歛馬駐立前呵者傳聲太尉立

馬急遣入謝之比舍人馬過然後敢行後余官于外十年而還
遂入翰林與學士相逢分道而過更無歛避之禮蓋兩制漸輕
三衙漸重歐公歸田錄

古今文集

雜著

論三衙軍制劄子

洪邁

臣仰惟陛下天資神武留意治軍將士感恩用命非復前比然
臣區區管見獨以謂猶有可議者軍制不立名位不正是也請
以祖宗之制大略論之三衙軍職之大者凡八等除都指揮使
或不常置外曰殿前副都指揮使馬軍副都指揮使步軍副都
指揮使曰殿前都虞候馬軍都虞候步軍都虞候曰捧日天武

四廂都指揮使龍神衛四廂都指揮使秩秩有序若登梯然不可一級輒廢一或有闕即以功次遞遷隆此而下則分營分廂各置都副指揮使如捧日左廂第十軍都指揮使天武右廂第二軍都指揮使之類邊境有事命將討捕則旋立總管鈐轄都監之名使各將其所部以出事已則復初二百年之間累聖相承皆用此術以制軍詰禁自南渡以後觸事草創於是三帥之資淺者始有主管某司公事之稱而都虞候以下不復設置乃以天子宿衛虎士而與在外諸軍同其名號以統制統領為之長又使遙帶外路總管鈐轄之名考之舊制則非法稽之事體則非是以陛下聖明能知人善任使所謂瓜牙之士豈無數十人以待用者若法祖宗之制正三衛之名改諸軍為諸廂改統

制以下為都虞候指揮使使宿衛之職預有差等士卒之心明有所係異時拜將必無一軍皆驚之舉於以銷壓未萌循名責實則環衛將軍雖不置可也如蒙聖慈或以為然乞下樞密討論故實圖議其當恐或可以少替陛下布昭聖武之意茲事體大願陛下深念之取進有旨付樞密院

殿前司

歷代沿革殿前司

都指揮使副都指揮使都虞候掌殿前諸班

直及步騎諸指揮之名籍凡統制訓練番衛戍卒遷補賞罰皆總其政令入則侍衛殿陛出則扈從乘輿大禮則提點編排整肅禁衛鹵簿儀仗掌宿衛之事都指揮使以節度使為

乏而副都指揮使都虞候以刺史以上充資序淺則主管本司公事馬步軍亦如之備則通治關則互攝四朝志祖宗以來三師不曾闕兩人若殿帥闕難以從下起補姚麟係殿前都虞候合世作步軍副都指揮使元祐十年樞密王若叟言

政和四年詔殿前都指揮使在節度之上殿前副都指揮使在正任承宣使之上殿前都虞候在正任防禦使之上四朝志

宋初沿後周有殿前都點檢在都指揮上太祖由此承禪後不置焉中興以來主管殿前司一員其屬有幹辦公事主管禁衛各一員準備差遣準備差使點檢醫藥飲食各一員尋減幹辦公事一員增書寫機宜文字一員

羣書彙語建安十九年王師東征余典禁兵行宮省曹植東征

賦錫以六嘉摠此八屯溫公嘉其扈從之勤同上除殿帥建節

制內摠七萃之師外分十連之任同上除郝質制內典嚴衛外

秉節旌同上賜郝質詔總領禁衛為王虎臣董率王師並同

上進總疑嚴之務歷圖勁傑之資王岐公行李璋制屬嚴除之

領帥仗帥鉞於殿除並同上置帥殿陛屬之董齊南豐擬制

就列太廷典綏王旅同上祇護殿嚴東坡苗授制總朕虎臣典

綏王旅環列增肅周廬不驚曲阜行燕連制管衛之士皆天下

武臣之高選虞度軍中之事是可非其人哉荆公除宋守約制

宿衛左右而虞度候視於軍中者其任甚寵南豐擬制

古今事實 躬親試閱

周世宗自高平之戰觀其退縮慨然有懲革之意又以驍勇之士多為外諸侯所占於是詔募天下豪傑不以草澤而俱送於闕下躬親試閱選武藝超絕及有身首者分署為殿前諸班因有散員散指揮使內殿直散都頭鐵騎控鶴之號

見髯將軍

劉貌以衆數萬欲犯建業楊和王沂中至藕塘與貌遇遣勁騎五千突入其軍賊兵亂沂中縱大軍乘之賊衆大敗貌曰適見髯將軍銳不可及果楊殿前也即以數騎道中興系年錄

上言土木

張耆字元弼真宗朝為殿中都虞候是時大興宮室之役以奉符瑞宰臣丁謂欲殫國財力雖大臣不敢議耆上言土木之役

不足以承天意耆後為樞密使

令寓捕蟬

宋守約為殿帥自入夏日輪軍校十數輩捕蟬不使得聞聲有鳴於前者皆重笞之人頗不堪神宗一日以問守約曰然上以為過守約曰軍中以號令為先臣承平總兵殿陛無所信其號令故寓以捕蟬耳蟬鳴固難禁而臣能使必去若陛下誤令守一障臣庶幾或可使入上以為然石林燕語

馬軍司

歷代沿革

宋朝

都指揮使副都指揮使都虞候都指揮使本方鎮軍校之名自梁起宣武軍乃以其鎮兵因仍舊號置在京

掌馬軍諸指揮之名籍凡統制訓練番衛
戍守遷補賞罰皆總其政令侍衛扈從及太禮宿衛所掌如
殿前司政和四年詔以馬軍都指揮使馬軍副都指揮使在
正任觀察使之上馬軍虞候在正任防禦使之上四朝志中
興以後王管侍衛馬軍司一員幹辦公事準備差遣點檢醫
藥飯食常出戍建康

羣書要語四牡既佶既佶且閑詩材官車騎之衆號數萬旅命
汝將之淇水盧政制階遂升於騎帥明道除夏越制早分將錢
嘗帥騎兵胡文恭行張茂實制益遷徒騎之虞王岐公制

古今事實

馮敬維賢

漢王問魏騎將譙曰馮敬曰是秦將馮無擇子也維賢不能當
灌嬰

成陣教戰

燕達以功遷榮州防禦使為馬步軍副都指揮使神宗閱武騎
患采精達請躬自巡教悉精銳又采諸葛亮李靖遺意成五陣
以教戰士進殿前副都指揮使哲宗即位遷殿前都指揮使東
都事略

訓齊士伍

元豐二年上批馬軍都虞候權主管步軍燕達能體朝廷訓齊
士伍之意故一司所總師徒技能日進宜與二子閣職會要

步軍司

歷代沿革 宋 都指揮使副指揮使都虞候 掌步軍諸指揮之

名籍凡 統制訓練番衛戍守遷補賞罰皆總其政令侍衛扈

從及大禮宿衛如殿前司政和四年詔以步軍都指揮使副

都指揮使在正任觀察使之上都虞候在正任防禦使之上

四朝志 中興以來主管侍衛步軍司一員幹辦公事準備差

遣點檢醫藥飯食

羣書要語 典司禁戎 唐大詔令 補督將之缺 淇水除苗侵等制

虞度兵計候司戎事亦統護之 同上 參典親衛 曲阜行買岩制

既策勵於徒兵 明道除夏守戎制 仍遷軍候之職 東坡除劉焜

卿制 設候奄之職以訓齊其政又曠次事勞且進候奄 王岐除

古今事實

上攻守策

宋朝元昊既叛劉平遷副指揮使靜江軍觀察苗後遂上攻守

視若神人

之策極論一虜利害時以其言合孫吳以名將稱 長編

止戍兵諱言

黨進權步軍司事先是禁軍校自都虞候以上悉以所掌卒伍

之數細書於所執之挺謂之杖記如笏記焉上丁日問進兵籍

幾何進不能對舉挺曰盡在是矣上笑謂其忠實進每擐甲胄

則髭髯皆磔豎目光如電視之若神人

皇朝通志卷之十

高武列主瓊為步軍都指揮使會成兵以厚食陳弱諱言者瓊知之一日巡管士卒方坐食因取其飯啖之謂曰邊鄙無事而坐飽此真知幸也 范蜀公蒙求

總軍司部

總將帥

歷代沿革並見後各官之下此但載通用事

羣書要語師貞丈人吉無咎易長子帥師以中行也 同上文武

吉甫萬拜為憲詩顯允方叔征伐獫狁維師尚父時維鷹揚矯

矯虎臣在泮獻馘進厥虎臣闕如虓虎方叔元老克壯其猶赴

赴武夫公侯干城赫赫南仲矯矯虎臣予曰有奔走予曰有禦

侮 並同上 司馬統六師書大司馬以九伐之法正邦國禮晉毀

軍為二行將上行中行下行 左傳能令與師淹於君也 汪主兵

車同上 班師振旅書卻敎閱禮樂敦詩書乃將上軍 左傳五人

牙璋以起軍旅禮為魚麗之陣先偏後伍伍承彌縫云云 旌動

而鼓 左傳王大捷則凱歌禮將為天且國命所寄 燕集國不可

從外理軍不可從中御 淮南子四封外事當資范蠡之賢 國語

太史公曰兵以正合以奇勝 田單傳無數正正之旗毋擊堂堂

之陣 孫子孫吳之言聽乎將耳 王符潛夫論行師用兵之要不可

必取孫吳而暗與之合 同上賞如高山罰如深溪猛將四七魏

都賦怒如嚴霜喜如時雨 同上材標美箭門襲良弓軍法盈懷

兵規指掌 燕公制飲冰受斧指授揚麾 燕集 再洗天兵風露虜

醜李晟廟碑翩翩飛將董我二軍李德裕集魚麗鶴列酉陽雜

漢將出山西安邊境立功名在於擇良將名聲暴於夷路威

稜澹乎鄰國高壘深溝臥驚營而不動地營鳥陣臨死地而無

疑並類要惟弟惟兄莫非頗牧元集行李愿制金方之氣疑為

將星王者選命豪傑授之以鉞白集制皇情西顧則九卷

寡鼓詔書北伐則六狄焚旗同上匈奴未滅甲第何管壯士不

還風塞自起揚盈川碑

詩句洗劍清海內刻功天山石杜甫王思禮詩戈矛虓虎士古

箭落鷗兵杜牧年少好風情垂鞭叱驢行帶金獅子小裘錦麒麟

麟張祐贈南海將詩蒐兵四解降王縛報國三登上將壇曹

彬今代麒麟問何人第一功云云青海無傳箭天山早掛弓胡

人愁逐北死馬又從東受命邊沙遠歸來御席同杜甫上哥舒

翰虜障天驕起秦城地脉分鋒刃奔濤色旗堆燄火文五原

風火急六郡羽書催將軍朝校鈔戰士夜銜枚沈佺期詩蓋

將軍真丈夫行年三十執金吾岑參玉門關蓋將軍歌萬里赴

戎機閑山度若飛朔氣傳金杯寒光照鐵衣樂府木蘭花詩

古今事實

六出奇計

漢陳平六出奇計

楚梟將

九江王布楚梟將張良傳

猛將如雲

事文類聚遺身 卷之十 李陵與蘇武書

猛將如重臣若虎

天下無雙

李廣才氣天下無雙

圖上方畧

趙充國擊羌虜上問當用幾人曰兵難渝度臣頭馳至金城圖上方畧

不學兵法

霍去病不學古兵法願方略何如耳

此亦一奇

黥布楚共布戰為二軍欲以相救為奇云云此亦一奇也九戰九勝

韓信絕通道大破秦軍九戰九勝

誘騎游兵

李廣傳匈奴數千騎見廣以為誘騎又張良往來為游兵

常為間候

傅介子傳常為間候言為間而伺候

頗牧為將

馮唐傳上拊髀曰吾獨不得廉頗李牧為將豈寡匈奴哉

將軍制閫外

古王者之遣將也跪而推轂曰閫以内寡人制之閫以外將軍制之馮唐傳

卧内奪印

事文類聚遺身

卷之十

李陵

漢高祖入韓信軍即其卧内奪其印麾召諸將易置之

夜擊刀斗

李廣以銅作鎗器受一斗夜擊持行刀斗

號為飛將

呂布字奉先便弓馬膂力過人號為飛將

葛亮之才

諸葛亮之才於戎為長奇謀為短理民之幹優於將

謂之鐵虎

蔡祐與齊戰被明光甲所向無前齊人謂之鐵虎

號為杜虎

梁西荊州刺史杜山從膂力過人便馬善射所佩霞明朱弓四

石餘力每出挑戰魏軍憚之號為杜虎

熊虎之將

周瑜謂孫權曰劉備有關張熊虎之將又為世虎臣有飲馬長江之志

稱萬人敵

關羽張飛皆萬人敵又唐李日越高廷暉為史思明將皆稱萬人敵後歸唐

齋戒受斧

九將出必齋戒之廟受斧故云齋斧魏志

臨軒受鉞

唐渾瑊德宗進狩山南城以諸軍衛入谷口帝臨軒受鉞用漢

拜韓信故事又詔於廟堂授以斧鉞鑿門命將

十策圖蕭銑

唐李靖累授開府獻十策圖蕭銑

三箭定天山見都總管門

刺山泉涌

前漢李廣號貳師將軍拔佩刀刺山飛泉涌出

列耀斗魁

文昌宮上將以將列耀於斗魁史曆書

振旅凱旋

唐裴行儉大破突厥振旅凱旋

此真將軍

文帝時匈奴大入邊亞夫為將軍軍細柳以備胡上自勞軍至
霸上棘門已而之細柳先驅至軍門都尉曰軍中聞將軍之令
不聞天子之詔上使使持節詔將軍曰吾欲勞軍亞夫傳言開
壁門天子按轡至中營亞夫以軍禮見天子為動改容式車文
帝曰嗟乎此真將軍矣鄉者霸上棘門如兒戲耳至亞夫可得
而犯耶前周亞夫傳

嬰鑠老翁

馬援拜伏波將軍會劉向擊武陵五溪蠻長深入軍沒援請行
時年六十一帝愍其老援曰尚能被甲上馬帝令試之援據鞍
顧眎以示可用帝曰嬰鑠哉是翁也

虎頭燕頰

晉書 卷之十一

前班超相者謂超燕領虎頭飛而食肉萬里侯相也

勒石紀功

後竇憲遂登燕然山勒石刻功紀漢威德令班固作銘曰躡
頓之區落焚老上之龍庭

作八陣圖

諸葛亮作八陣圖

一身是膽

趙雲字子龍將數十騎值曹操軍大出雲遂前突其陣且聞且
却魏兵追至營雲大開門魏疑有伏兵引去雲以勁弩射魏兵
魏兵驚駭自相蹂踐墮水死甚多備明且至雲營視昨戰處曰
子龍一身都是膽也蜀志

持半段槍

哥舒翰為河西衙前將吐蕃大寇邊翰持半段槍當其鋒擊之
元宗實錄

佩四將印

王忠嗣有武畧佩四將印為隴西節度

下馬作露布

傅奕字修期拜安遠將軍帝嘆曰上馬能擊賊下馬作露布

樽俎折衝

仲尼曰晏子起於樽俎之間折衝千里之外

與分甘苦

吳起與士卒分甘苦

擊牛饗士

李牧備鴈門市租皆輸入幕府日擊牛饗士

減竈增竈

孫臏減竈虞詡增竈史

拔幟立幟

韓信拔趙白幟立漢赤幟

國之爪牙

漢李廣斬霸陵尉上書自陳上報曰將軍者國之爪牙

提鼓援袍

范蠡應使者曰左提鼓右援袍國語

秉鉞抗旌

大將軍秉鉞抗旌終軍傳

設壇具禮

韓信傳擇日齋戒設壇具禮拜為大將一軍皆驚

杖箠下城

張耳杖馬箠下數城

枕席過師

趙充國信威于里從枕席上過師

戰勝攻取

前高帝曰連百萬之衆戰必勝攻必取吾不如韓信漢書

雅歌投壺

祭遵為將軍取士皆用儒術對酒設樂必雅歌投壺雖在軍旅

不忘祖也東觀漢記

橫行匈奴

十萬橫行舞陰侯之殺氣又單于嘗為書嫚呂太后太后怒上將軍樊噲曰臣願得十萬眾橫行匈奴中季布曰可斬也

武暢四海

陳湯威震百蠻武暢四海

威如破竹

杜預曰今兵威已振譬如破竹數節之後皆迎刃而解

虜在目中

光武西征隗囂召馬援至於帝前聚米為山谷帝曰虜在吾目中矣

誓清中原

晉元帝定江南以祖逖為奮威軍豫州刺史逖渡江中流擊楫而誓曰祖逖不能清中原而濟者如此江

乘月清嘯

晉劉琨為并州都督拜大將軍在晉陽為胡騎所圍琨乘月登樓清嘯賊聞之悽然長嘆中夜奏笳向曉復吹之賊弃圍走

驅鹿角圍

徐晃字公明為平寇將軍討關羽入圍破之太祖令曰曾驅鹿角小重圍魏志

赤兔突陳

呂布有良馬曰兔常與其親近乘赤兔而陷鋒矢突陳

曉暢軍情

將軍向寵性行淑均曉暢軍情諸葛亮出師表

卧息旗鼓

諸葛亮屯陽平兵少自若敕軍卧旗息鼓

八陣七擒

諸葛亮因八陣以施武經七擒以即戎柳氏家錄

八遇八克

婁師德字宗臣武后時猛士討吐蕃乃自奮戴紅抹額來應詔後共虜戰八遇八克

右刀左鞘

西郡南郢州刺史耿令貴謂所部曰大夫見賊須右手拔刀左

手拔鞘莫披眉畏

止風反雪

王峻將并州兵濟河討梁厥峻間行拾趣山谷夜遇雪恐失期誓於神曰峻事君不忠不討有罪天所殛者當自蒙罰心誠忠而天監之則止風反雪俄而和霽峻自東道追及之獲餘二千

酹酒祝江

隋賀若弼酹酒祝江得鱗魚腹中死且不畏

提鼓揮矜

唐薛登上疏提鼓揮矜臨難決疑此將事也一劔之任非將事也

將門有將

楊元感求領兵煬帝曰相門必有相將門必有將

西平有子

李晟子李愬晟封西平王柳文平淮雅曰西平有子

轅門一龍

烏承玘字德潤開元中共族兗承恩皆為平盧先鋒號轅門龍

黃驄少年

裴果常乘驄馬白袍先陷陣時號為黃驄少年

降騎十萬

郭子儀家傳永泰元年僕固懷恩結吐蕃回紇合圍經陽是時也兩軍相對控絃未發公獨以一騎出降陰山十萬騎

破賊五千

唐馬璘以百騎破賊五千光弼則曰吾未見以小擊衆如馬璘者矣

料敵如神

郭子儀訓師如子料敵如神家傳

取糧於敵

郝玘貞元中在邊積二十年每討賊不持糗糧取糧於敵

卯命辰行

高崇文為長城使奉詔征劉闢御軍常若寇至卯受命而辰行器用無闕

中興銳將

馬璘武幹絕倫遭時屯以忠力奮為中興銳將

太微上將

太微上將楊炯 魏將軍碑

旌義懷忠

劉昌王平涼劫盟二及家名旌義家號懷忠唐紀

開壁斫營

貞元三年尚結贊入寇諸軍開壁俱斫營

喜得虜將

薛仁貴從征遼東恃驍勇乃異其服色著衣太宗是見之問

先鋒白衣者為誰特引見賜馬絹喜得虜將

名可震敵

薛仁貴勇冠三軍名可震敵

號望英樓

高宗命英公勣伐高麗既破上於苑中樓上望號望英樓金載補遺

上為治策

霍去病上為治策令視之對曰匈奴未滅臣何以家為也

歸載圖籍

宋朝曹彬謚武惠討蜀師還輜重甚多或言悉奇貨也太祖密

令伺之圖書也無銖金寸帛之附焉又平江南舟歸無他物惟

載圖籍衣被而已言行錄

圖形以進

狄青與西賊戰每帶銅面具被髮出入行陣間未嘗中箭而上

未識其面遂令圖形以進青客令軍中聞鉦一聲則止再聲則嚴陣而陽却鉦聲止則大呼而突之士卒皆如教纔遇敵未接戰遠聲鉦士卒皆止再士皆却虜人大笑相謂曰孰謂敵天使勇鉦聲止忽前突之虜兵大亂自相蹂踐死者不可勝計

射虜貴人

曹公瑋在秦川西番犯塞虜障有出布障虜貴人也瑋使射之一發而斃虜鳴笳而遁瑋以大軍乘之虜衆大敗係斬萬計西番由是憚服至今不敢犯塞每言及瑋則呼之爲父同上

射死韃覽

澶淵之役高武烈王瓊勸上發京城王下馬自扶輦衆渡河種酋失色及射死韃覽虜遂奉書請盟

應飛來識

湖寇楊公自恃其險賊中語曰有能害我除是飛來能詔用岳飛適值大旱公命伐木爲巨筏塞諸港汊賊戰敗趁舟欲出湖而舟爲筏所礙不能遁遂戮死招降之飛來之識於是乎驗並同上

海州之捷

李寶至東海縣時虜兵已圍海州寶麾兵登虜營引去寶引舟師至密之膠西石臼島虜泊唐島相詎止一山候風即南不知王師之猝至丙寅風自南來衆喜爭奮引帆握刃俄傾過山薄虜驚大擾虜帆皆以繩纜爲之彌亘數里忽爲波濤捲聚下隅寶命以火箭射之延燒數百火不及者猶欲前拒寶命捷士

躍登其舟以短兵擊刺殪之舟中脫甲而降者三千人獲酋首郭家奴等斬之獲器甲糧斛以萬計飛小舟奏捷除沿海制置治迹統類

兀术大敗

李顯忠與諸將會淮西戰于柘臯兀术大敗公追至孔城奪耄倪之被虜者以萬計言行錄

逆亮敗走

虜王亮既敗於揚林走淮東尚留精兵於和李顯忠陣于和之城下賊虜敗走入城縱火公領軍塗甲冒火而進遂復和州同上

捍禦金賊

吳介捍禦金賊猛士如林未嘗敗衄退守河東賊不敢逾河飲

決機如神

胡世將問吳武順王元玠所以戰則曰要在用所長去所知金之弓矢不若中國之勁利中國之士卒不若金人之堅忍據其形便更出銳兵沮其堅忍之勢則我固有以制彼至於決機兩陣之間变化如神默運乎心術之微則隣有不可言

勇冠三軍

大師韓蘄王世忠方從梁方之為將也破鄆賊于鹹河又破大名賊於超化寺又破內黃賊于沂州又破徐靖于莒縣又破長仙于播鼓山勇冠三軍

恨見鄉晚

郭觀察棣初為興元利州正將樞密使王公炎入蜀尚公材留

實帳下。乾道中部秦兵及鎧甲赴行在所。因密薦之。即召入。孝宗悼符離失利。寤寐中原。公極言曩事。剖析如流。漏下五刻。上恨見卿晚。並同上。

兼四者美

李顯忠公以忠誠結知。見旒人謂義不忘君。如關雲長。忠不恤家。如李良。器千儀之寬厚。得入光弼之嚴明。御下公兼四者之美。

奇計百出

李顯忠公之用兵。奇計百出。以勇果濟。先智後戰。卒如所料。遇大敵。餘人奪氣。公方優游甚暇。屬以少擊眾。取勝。言行錄。威震四海。

曹武穆公瑋為將幾四十年。用兵未嘗敗衄。自三都之戰。威震四海。哨斯羅。聞公姓名。即以手加額。在天雄。契丹使過魏地。輒陰勒其從人。無得高語。疾驅至。多懼。公不敢仰視。同上。

戰無不勝

吳侂親兵不滿五萬。每戰乘有輿。動鼓樂。殊無懼色。戰無不勝。以寡敵眾。

建炎四年。兀朮四至。鎮江。韓世忠駐焦山之時。虜眾數萬。世忠總八千人。世忠募海船百餘艘。泊金山下。虜見大笑曰。此吾机上肉耳。世忠命鍊鐵為長鯁。串大鈎。徧授強健者。虜舟噪而前。世忠分海船為兩道。出其背。每鍊一鯁。則綫一船而入。虜不得渡。乃遣使願還。所掠及獻馬五千。世忠不聽。曰。只置下。兀朮乃

可去世忠據中流與虜相持兀木不敢出虜在儀真者乃於城外鑿小渠屬之江兀木刑白馬殺婦人自刎其額祭天以幸風濤之息世忠悉師督戰風弱帆緩我師不利虜以輕物絕江而遁

卒如所料

先是世忠視鎮江形勢無如龍王廟虜來必登此望我虛實因遣二百卒伏廟中又遣三百卒伏江畔遣人於中望之戒曰聞江中鼓聲岸下人先入廟中人繼出虜果有五騎趨龍王廟廟中之伏聞鼓聲而出五騎振策以馳僅得其二有紅袍白馬既墜而跳馳得脫詰二人者云即兀木也 同上

古今文集

雜著

為揚許州讓右羽林將軍表

宋之問

五色無主如驚葉懸之龍千秋來歸似對遼門之鶴中謝臣聞為官擇人先辭之成務陳力就列古人之用心臣家本關西衣冠河曲素業將墜真嗣英靈宋輪載輝謬承恩渥未盈一紀連刺九州西原本六郡之樞南荆乃九州之會蒲藩關左之重鎮魏郡山東之奧區宣城襟帶於吳郊許昌密通於周室每耻政逾期月之來暮之歌候改星霜無去思之詠隼旟迴復日泰恩榮熊軾往還多虧道路出居岳牧負尸祿之譏入計河都待曠官之責不意天私俯宥霄獎曲成擢之以心膂之官賜之在爪牙之地非常之澤捧戴失圖天衛疑嚴北軍清切風霜劍騎頓

事文類聚身道集 卷之十

玄武之仙闈龍馬旌旄環紫微之帝座掌斯嚴秘必屬親賢臣
 也何顏敢膺殊寵當今鷁鴻接翼文武周身威實已遍名位
 未充量臣內求諸已外媿妨賢若使愚臣苟安於私懷聖授不
 允於清議陶鈞雖廣無路自容慎實由衷讓非飾跡伏乞垂收
 渙汗更授環材軍司得人臣謂報國無任傾幸媿負之極謹詣
 朝堂下表陳讓以聞

將略論

王獻

象穀子曰昔祝其之會仲尼云夫有文德者必有武備遂斬來
 人頭足異處故曰文武之道未墜於地是以古之儒者服逢掖
 之衣頂童甫之冠佩環珞負櫛劍近代文儒耻言兵事苟或議
 及則食謂之兇人今以翠華去鄆鎬黃屋軫堯心率土之濱莫

寧啓處方可論兵粗議將畧矣且自罹亂已來儒道既息武弁
 是崇然而將帥多以勇力爭強少有精練兵機而懷謀策者所
 謂以強凌弱以衆暴寡迭以承噬適足以塗炭生靈構怨結禍
 夫兵之成敗在將帥之器能各有限劑須定等差淮陰侯與漢
 高祖論絳灌已下用兵多少信曰陛下可將十萬衆所謂能將
 將不能將兵夫高祖之雄才大略尚如此况其下哉楚子玉賢
 大夫也亦不能越三百乘是以王翦能將六十萬而李牧不能
 二十萬此方見將帥才器之大小也凡為將料敵之情偽而後
 決策制勝須知彼師之能否乃操我之所長假如韓信能設伏
 走我則逐奔不遠從襲不及白起能攻城野戰則當深溝高壘
 以挫其銳俾蜂蠆無所施其毒螫虎狼不能逞其爪牙本謀既

壞伺其殆隙而擊之因變奇正以待敵整衛軸以攻險兵法曰始如處女敵人開戶後如脫兔敵不及距此兵之要也司馬宣王曰諸葛孔明志大而不見機多謀而少決好兵而無權雖提卒十萬已願吾計中破之必矣及鄭表亦能知母丘險好謀而不達事情文欽勇而無謀至險兵敗皆如其言又潘濬見樊伯為武昌從事與州人設饌十餘度自起比至日中可得知以兵五千足以擒之果在濬之度內漢王與魏大將相直口尚北莫不能當韓信謂騎將馮敬雖賢不能當灌嬰謂步將項他不能當曹參吾無患矣乃使韓灌曹二將軍果大破之後魏高祖宏曰青齊之兵可以禮遇徐充之卒理須義撫斯測度將卒之明驗也今之將帥多不自量其才器又不知彼之短長率爾合戰

卒然永勝由聚耶以擊山驅羊而鬪虎欲期弭兵靜亂不亦難哉帝王宜開英賢審將帥之器量入武之才則崇勳大業庶幾可立夫宰制山河割割疆宇舉大綱則易定滋苛細則難安故子房佐漢書天謀六七件遂定天下孔明初蜀決沉機二三策遽成鼎峙英雄之大畧將帥之宏規也安危之機存亡之要審諸將畧可見徵焉

論將上

楊廷秀

臣聞聖人之所以鼓舞天下使之奔走淬勵以爭先於為用長治而不亂有急而不可乘者蓋聖人不示天下以其可窺而作天下以其不自止如此而已矣果不可窺也宜乎天下之不自止也天下之所以作之不起未起而復廢者吾之可窺者見而

彼之自止者隨之。今天下之所以患於無才而才尤患於無將。其病在此方邊事之興芒芒然以求將也。天下則亦芒芒然以趨之。天下趨之而朝廷不求將矣。非不求將也。邊事息而無所事將也。無所事將則天下亦弛然曰無所事我則亦矣。而之他剛者柔勇者怯而柔怯者有不勝其柔怯矣。高者趨文科以售其身而下者伏於農商矣。其精銳果敢者有所狹而莫之用。則去而為盜矣。天下弛矣而邊事又動也。而為將也則又芒芒然以求天下而天下莫之趨也。夫前日之所無事也。所以為今日之莫之趨也。歟。夫如是焉。得將昔者成王周公承文武平定之業。誅三監征弗庭而天下服矣。於是酌堯舜夏商之禮樂法度。補葺成就以至於大備。當此之時。文物煥於朝。頌聲被於野。太

平之所甚樂而成。主周公之所甚惧。非惧夫太平也。惧天下之窺吾君臣之樂。夫太平而彼亦樂之。以至於亂也。則有大司馬之官。日夜選將閱戎。如是而為軍。如是而為徒。如是而為鼓鐸。鑼如星而為坐作進退。後至者誅不命者斬。夫大閱者非真臨陣而應敵也。而後至者何至於誅。不用命者亦何至於斬哉。而其法如此。蓋其所以處暇裕之日。與處三監未誅之時。無異也。則天下何以窺上之無所事我。而我不為也哉。是故文武並用而莫知其孰先。莫知其孰後。不見其所甚好。不見其所不好。才素備而無一日之憂。後之君臣狃於治而謂天下不復亂也。則曰汝不逢高帝時。萬戶侯何足道哉。而羽林子弟授經於學校。與夫將軍不好武。而其子皆能。又則君臣相慶。

以為太平之盛觀而腐儒曲生又從而諛之曰兵寢者二帝三王之極功也。不知夫二帝三王之不如是也。諛說之誤時世也。諛說盛於下君臣怠於上而天下以兵為諱以武為慙矣。棘門霸上之無人而開元天寶之末狼狽大敗者無怪也。非天下之無人也。上之人示之以其可窺而弛之使其自止也。今日之事邊警息矣。天下將曰朝廷無所事兵矣。此可慮之機也。臣願天子增重武事不敗於有事之時訪求將才不啻如有事之初而宰相大臣亦折節以下才畧武勇之士毋責其鄙野之狀而毋怒其桀岸之氣時賜之燕閑而延見之棘之於其中而試之於其外以陰求天下之奇傑待之異而養之久此所謂不示天下以其可窺而作天下以其不自止者也。則緩急之際亦何至於

茫茫然以求而求又不得哉

論將下

楊廷秀

臣聞今之議者曰選將莫若宿望而新進者未足用也。臣竊以為不然。選將之與擇相相似而大不同。是故相不厭舊而將不厭新。擇相不以舊不足以歷天下之望。選將不以新不足以激天下之才。蓋天下之相必道隆而德重名節全而才畧高。天下之人曉然服其可以相也。或既相而去天下恨其有所不盡而望其再有所盡也。如此者休相而天下願之。既相而天下悅之。既去而天下留之。是惟無相相之而天下無異論。故曰相不厭舊。至於將則不然。夫所謂宿將者功業就矣。名位高矣。富貴極矣。腴田甲第金玉寶貨充乎其家。歌童舞女酣宴沈湎汨乎其

心昔之精明之謀者將暗然而勇果之氣者將廢然矣天下無事則曰朝廷苟有事不使我則不濟及其有事也使之合其所甚樂而任其所甚憂取其甚愛之身而捐之必死之地彼則畏矣以今之畏合前之驕焉往而不敗故曰將不厭新蓋富人有作室者有楹而未育棟有棟而未育梁則徧國中以求大木三年而後得之於千里之外蓋千百年之松楸豫章也室成而富人者疾有愚醫焉見其嚮之求木之意也則上其百年所藏之大雄烏喙焉曰此可已病也不知夫木者不老則不堅而藥者不新則不効今歲之藥來歲已陳且槁矣而百年之天雄烏喙則與朽壤何擇而尚伐病之能哉此將相新舊之辨也李廣之在漢驍雄傑出其君知之天下知之匈奴亦知之廣之心翹然

以無人視天下自以為漢將非我則不可也然衛青霍去病崛起於戚里之中與單于角勝負深入大幕直擣龍庭而廣乃以失期無功歿開元之後王忠嗣哥舒翰威名邊功天下第一天下之人以為一日不可無忠嗣與翰也及幽陵盜起廟堂失措忠嗣則不存而使翰則又敗復兩京平安史者乃一未有功之子儀而忠嗣部曲中之一光弼也當廣文盛時忠嗣與翰有大功名之日天下豈知有衛霍李郭哉然則宿將之與新進未易以相輕重也且人之有才者孰無自喜之心而人之於富貴功名孰無願欲之志自喜其才則必求所以自試志乎富貴功名則必求所以自取此如善書者樂於為人書而嗜酒者可以得酒側無不為也不因其自試之心而激之以自取而曰吾必得

宿將亦感矣。故臣以為今日之取將莫若以新儒士之通敏沈
雄者行陣之嘗有聞者舉武之有所蘊而不徒虛文者士卒之
有能而自異者卑賤有挾持而不自達者豪猾有過而其才可
贖者君相置意焉不測而識之於稠人之中無故而置之萬眾
之上庶幾乎如高帝之得韓信又何患天下之無將也哉

乞審察將副劄子

洪邁

臣仰惟陛下天縱神武屬精政事當國家閑暇之時所以為久
遠之計者未嘗一日而輟故整軍經武之備尤切於聖心至於
激厲賞勸則自用兵以來所未之有切見比者以禁軍疑射鐵
箭收功甚敏旌殿步帥之能訓習即遷其官以建康統制官劉
忠趙某武藝精絕既賞一人又升其帥郭鈞以遥郡其不稱者

則實之閑官賞信罰明轅門競勸繼自今必無復有妄補偏裨
如向來之弊者然臣於此切有獻焉臣謂大軍列屯既已闐風
爭奪其州郡主兵者上則有總管次則有鈐轄下則有都監名
為兵官然麾下不過廝役之卒數十輩雖有將畧亦無所施今
東南將兵多者五千人少者二三千人其任職者唯正副將而
資歷頗早尋常除授之間不暇精擇豈無不才者濫吹其間脫
有差委懼不勝任臣愚欲乞聖慈特降聖旨凡諸路將副闕到
半年之前略做路鈐以上謝辭之制令赴樞密院審察其曾隨
軍者仍試以技藝較其能否其不足統眾者改授他職廢幾兵
將之間無小無大皆可以訓聖天子闔外使令誠非小補

古詩

魏將軍

杜子美

將軍昔着從事衫鐵馬馳突重兩街被堅執銳畧西極崑崙月
窟東嶄巖君門羽林萬猛士惡若吼虎子所監魏侯骨登精爽
監華岳尖峰見秋隼星纏寶校金羅陀夜騎天駟起天河換槍
焚惑不敢動翠旌雲旂相蕩摩吾為子起歌都護酒闌揮鈞肝
膽露鈞陳蒼蒼風玄武萬歲千秋奉明主臨江節士安足數

律詩

奉和杜相公發京城

岑參

按節辭黃閣登壇戀赤墀銜恩期報主授律遠行師野鶴迎金
印郊雲拂畫旗叨陪幕中客敢和出車詩

獻封大夫受降回軍

岑參

驛馬從西來雙節夾道馳喜鵲奉金印蛟龍盤畫旗如公未四
十富貴能及時直上排青雲旁看疾苦飛前年斬樓蘭去年平
月支

劉校書從軍

楊炯

大將下三宮星門召五戎坐謀咨廟畧飛檄佇文雄赤上流星
劍烏號明月弓秋陰生蜀道殺氣繞湟中

送駱奉禮從軍

李矯

玉塞邊烽舉金壇廟客申羽書各銳筆戎幕引英賞劍動二軍
氣衣飄萬里塵希君勒石返歌舞入城闈

送靈州田尚書

薛逢

陰風獵獵滿旌竿白草颼颼劍氣橫九姓姜渾隨漢節六州蕃

事文類聚遺集 卷之十

漠從戎鞍霜中入塞 朔弓硬月下翻雲 玉帳寒人百路 倘誰不
植穰苴門戶慣登壇

送張大夫從軍

韓翃

邊事今勞役 儒歌逐鼓聲 班超封定遠 君子去思齊

獻封大夫破播仙凱歌

岑參

鳴笳疊鼓擁回軍 破國平蕃昔未聞 大夫鵠印揮邊月 大將龍
旗掣海雲

詩話

會宴賦詩

王侍中智興武畧英奇 教授徐州節制 雄材磊落 幕府既開 所
辟皆儒者 一旦從事於使院 會宴從容 賦詩頃之 遺於王公 乃

召護軍旗俱至 王公曰 前某以韜畧發迹 未嘗留心章句 云云
遂乃引紙援毫 頃刻而就 云平生弓劍自相隨 剛被郎官遣作
詩 江南花柳從君詠 塞北煙塵我獨知

諸路將官

歷代沿革 神宗留意武備 本以捍西北二虜而推其法於東
南故西北為多 東南為少 職畧 陝西諸路四十二將 河北諸
路二十七將 而東南總十二將 元豐四年詔東南諸路團結
諸軍馬十三將 淮南東路第一 西路第一 兩浙西路第二 東
路第四 江南東路第五 西路第六 荆湖北路第七 南路潭州
第八 全邵永三州備廣西應授第九 福建路第十 廣東路第

十一。西路桂州第十二。邕州第十三。實錄

合諸路九十二將。

各有正副軍中行圖陣隊調發賞罰皆關決於將副。

宣和六年

年詔

元祐元年司馬光請盡罷諸路將官其禁軍各委本州

縣長吏與總管鈐轄都監押等轄一如未置將官以前之法

而樞密院難之止詔諸路將副在州駐劄不係路分兵官知

州并州鈐轄兼充者並差將官一員兼本州都監其單將駐

劄處勿復差兼宣和五年御筆諸路將副部隊自今並依元

豐法選差。中興會要 乾道四年密院奏諸州棟中弓弩手雖

已差路分鈐轄都監春秋詣諸路巡按緣逐州未有將官專

一日逐訓練恐致事藝生疎詔諸州各置準備將一員專一

管轄日逐訓練棟中弓弩事藝。宗會要 宗職官志 諸路

將官掌統制所禁禁旅以行陣隊伍金鼓旗幟了失擊刺之

法而教育訓練之別其武藝精強者待次遷補以激勸士卒

凡兵付器甲之數廩糧犒設賞罰約束之禁令皆掌焉副將

為之二若屯戍防邊則受帥司節制御寇敵則審其戰守應

援之事若帥有劾則具誠數籍用命者而旌賞之續會要

古今事實

舜欽可用

劉舜欽字希文熙寧初詔求將帥近臣以舜欽名聞命總京東

九郡將兵訓之悉以新書從事二年詔以所部軍閱於內殿神

宗嘆曰坐作有度其可用也。本傳

郭成可用

郭成可用

郭成進築平夏城置第十將以戍之童蒙謂諸將曰新邊控扼誰可付者皆曰非郭成不可遂用之東都事畧

校閱按試

元豐間王祖道言陝西河北京東府路將皆朝廷所選擇尚多庸人其餘淮浙等路雖有團治訓練之法而無教閱按試之實望密下諸路經畧監司体量將副第人材為三等職畧

力戰御賊

劉仲武字子文為涇原路第一將夏人欲犯天聖皇帝帥檄仲武會其於天聖約過某日賊不來則分屯去仲武得賊的期乞緩分屯主帥正留一將及仲武軍賊果至仲武力戰禦之賊遁去遷涇河路兵馬都監東都事畧

戰功為多

趙隆除涇原第九將與夏人戰却夏人功為多同上

西戎無敢犯

李忠顯為鄜延路兵馬都監兼充第六正將西戎入寇公屢擊之自是無敢犯塞言行錄

古今文集

雜著

論諸路帥臣將副

周必太

臣伏見陛下選將練兵大修邊備深謀遠略固非外庭所能窺測然臣私憂過計以謂諸路帥臣有其名而無其實將副有其官而非其人萬上用師于外而寇攘乘間掣肘于內安得不為

之慮也哉願詔三省樞密院稽考諸路帥府除本州禁軍外安撫司實有兵馬幾何隨其閑劇遠近立為定數已足者令精加訓練不足者令疾速招填既只在本地路駐泊計亦不難辦集從於見今副總管鈐轄路分都監中選有勇畧經行陣之人就兼統制戎容既壯茲謀自折至於擇師加詳論以又任其在今日尤為急務如此則稍有帥臣之實矣昔神宗皇帝初置將副其選甚重比年小使臣不經邊任者往往得之軍情兵法懵然不曉但知諂辭媚色以奉守帥勇夫壯士專充工匠雜役之用本路一有調發豈徒無益願遵舊制參以宏摹詳於擇人革此積弊如此則稍復將副之舊矣二者一定他日朝廷專意外禦必無掣肘之患取進止

都副鈐轄

州鈐轄附

歷代沿革宋以朝官及諸司使以上充或一州或一路或兩路三路亦有無都字者嘉祐詔內臣為鈐轄都監者逐路止置一員分紀又續會要載兩朝目史云官高資深充都鈐轄官卑資淺稱鈐轄建炎二年要郡守臣兼兵鈐轄以武臣為之副改諸路都監為副鈐轄紹興二年守臣罷兼兵職副鈐轄改為路分都監而帥府如故自從益瀘夔廣桂五州牧皆以都鈐為稱而江西贛州以多盜其守臣亦帶江西兵馬鈐轄至於武臣為路鈐者亦無尺籍伍符然每歲猶往諸州按閱特存故事而已間有得旨募治軍器或訓練禁軍者則仍帶

入衙朝野雜記二十八年鎮江府守楊揆言舊法一路則有

路分鈐轄一州則有州鈐轄如常秀平江皆有之獨鎮江關

欲添置州鈐轄從之中興會要

羣書要語總轄師徒宋白集選張斌救就司鈐護胡文恭行余

靖制往洺兵鈐基史宜制申列部鈐兵之委刘末年制參委戎

鈐王興制往洺戎政之重公是刘貽孫制訓齊軍政宣明國威

柳涉制出總州兵龍溪除州鈐制選剖左符出鈐尺籍胡文恭

賜州鈐詔

詩句高才本不緣勳閣餘力還思浴蜀兵東坡選成都高鈐轄

古今事實

有將帥才

劉温叟傳孫九字伯壽舉進士第孫洙言其有將帥才易知京
使智儂高盜嶺南九上章願自效授湖南路兵馬都鈐轄克邕
州遂以功特加皇城使東都事畧

邊鈐兼守

祥符中涇原路駐泊都鈐轄兼知渭州曹瑋奏乞依舊例別差
入知渭州臣乞一面管勾鈐轄司事帝謂王欽若等曰邊防軍
馬所屯之地若別置知州即各生事可降詔以諭此意

大破鬼章

姚麟從李憲討鬼章擢涇原路兵馬鈐轄以師援李憲兵為前
軍麟謂其副曰賊眾我寡將迎擊之具以臨大軍之聲必濟即
馳騎中軍告急憲進兵麟使人聲言姚公已破賊眾聞歡趨麟

事文類聚

卷之十

三十一

鼓而出戰方酣大軍路至大破之

鐵山之戰

趙隆為熙河路兵馬鈐轄夏人寇涇原師至鐵山隆先登士皆殊死戰賊解召見徽宗曰鐵山之戰皆卿力也並同上

上環慶圖

曹瑋字寶臣真宗時為環慶路鈐轄帝欲其習知河北事從真定府路都鈐轄乃出其所上涇原環慶兩道圖以示輔臣曰華戎山川戰守之要盡在是矣因今本道諸將皆按圖以計事

賜神武畧見總管門

入為殿帥

楊遂傳儂智高反為廣南西路鈐轄亦有功累擢步軍都虞候

入為馬軍殿前都虞候東都事畧

用官人為

治平元年以內侍省押班王昭明為環慶鈐轄帶御器械李若愚為涇原路鈐轄令體測蕃情治其訥訟小事與帥議其大事則以聞各許歲一乘驛奏事前世以官人預邊事而將帥不盡其用及有是命人不以為便也諫官御史傅堯俞趙瞻言不使後卒罷之實錄

總轄之官以下係州鈐轄

楊揆奏曰今不係將及廂軍緣無總轄之官甚不整肅乞置州鈐轄中興會要

戰擒其將

喜文類聚卷之十一
三十五

張耆為天雄軍鎮定州鈐轄契丹圍望都耆率諸將往遂與虜戰擒其將

古今文集

律詩

送奉使鈐轄高侯之任成都

錢穆父

烈士由來不徇名西南萬里不留行熊羆訓練整屯千騎尊俎雍容鎮百城關外使華新報聘山西家法舊論兵封侯富貴都由命請訪沉冥賣卜生

兵馬都監

歷代沿革宋兵馬都監有路分掌本路禁旅屯戍邊防訓練之

政令以肅清所部建炎三年以要郡守臣帶本路兵馬都監武臣一員充副都監中興會要紹興二年罷守臣兼兵職而副都監如故

羣書要語聽典戎之臣胡文恭行張忌制任以護兵同上職分戎旅宋廣平集

古今事實

招徠州民

郭進傳太祖征太原以進為河東道忻代等州行營馬步軍都監招徠山後諸州民二萬七千餘口始進在西山太祖每遣戍必戒之曰汝謹守法我猶赦汝郭進殺汝東都事畧

造舟濟師

潘美傳征江南以美為昇州道行營都監美因造舟以濟師至金陵江南以水陸十萬陳於城下美率兵襲擊大敗之因與大將曹彬率士晨夜攻城百道並進金陵平以功拜宣徽北院使同上

古今文集

律詩

送李監軍

韓愈

舊從張博望新事鄭長秋賜水過金勒邊風試錦裘知君不义住漢將掃旄頭

州都監

歷代公華宋以太小使臣充掌本城屯駐兵甲訓練差使之事兼在城巡檢資淺者為監押續會要四朝志或雜用文臣其後止用武臣分紀

羣書要語外領屯衆公足行陳欽明制職分戎旅宋廣平集護州藩之兵胡文恭行全克勲制守職戎藩賜定川都監敕

古今事實

護戎之任

咸平六年長樂夫人高氏為其弟處約求亳州兵馬監押真宗曰護戎之任實司軍旅

訓練警巡

濟陽曹武惠王彬充晉州兵馬都監劉鈞盜據并汾晉為敵境

事類彙編卷之十一

王晝則訓練夜則警巡食無膏粱衣靡文采嘗一日與王帥環坐於野適有軍介馳書詣王潛問人曰誰為曹公者指王以示之者使人笑曰豈有國戚近臣肯衣弋綈袍坐木素胡床者乎審視之方信其簡儉如此

言行錄

深沉智畧

劉滄字子濬頗知書傳深沉寡言有智畧少為左右侍禁韓琦范仲淹薦其材武擢閤門祗候為瓦亭砦監押東都事畧

先鋒擊賊

賈逵傳儂智高反狄青薦為泉州駐泊都監師戰于歸仁鋪逵為先鋒受命擊賊大破之同上

乘虎頭船

治平中趙用為界河巡檢都監虜人畏之以其常乘虎頭船故謂之趙虎頭分紀

新編古今事文類聚遺集卷之十

終

書

後魏有都督中外諸軍事。又置京畿大都督總攝六軍職

官分紀

隋置大都督但以酬勤勞而已

隋百官志

唐大府皆

置都督景雲二年置都督二十四人。察刺史以下善惡。揚益并荆四州為大都督。汴兗魏冀蒲絳秦洪潤越十州為中都督。皆正三品。齊鄆涇襄安潭遂通果夔十州為下都督。從三品。當時以為權重難制。奏罷之。唯四大都督府如故。自唐以後不置。紹興初呂元直復相謀進改秦會之欲奪其權。乃共議令元直以左僕射都督江淮荆浙諸軍事。置司鎮江元直覺之遽歸而命孟富文以參政權同都督已而落權字四年趙元鎮自知樞密院為川陝宣撫處置使元鎮以與吳玠共事為嫌乃改都督川陝荆襄諸軍事五年春元鎮與張德

並相遂帶兼都督諸路軍馬入街秋紇石烈志寧入寇詔湯

進之以左僕射為之進之逗遛不行乃命王瞻叔以參知政

事為同都督瞻叔亦丐免於是遂命楊存中代為都督非宰

相而為都督自存中始朝野雜記督視軍馬者紹興二十

年冬葉審言始以樞密院為之朝議以審言非相臣故其名

下都督一等蓋不考趙豐公故事失之也隆興初張魏公為

江淮都督命汪明遠以參知政事督視湖北荆西兵馬方

城失守汪責合州遂并令魏公督之同上張魏公之初為都

督也以行府為名凡事于朝廷則關三省樞密院孟庶富文

時在政府大不平曰三省密院乃奉行行府文書耶因稱疾

求去隆興初再為都督宰相主和議所行多與督府異魏公

乃言進退調發當從督府取旨施行日近主兵官及帥守監
 司輒以軍期事務徑申朝廷已劄下依本府指揮仍取軍令
 狀上曰豈有不申朝廷之理乃詔江淮軍馬調發應援從督
 府取旨施行其餘事務並令申奏如舊開信用兵除立宗卿
 兼樞督視軍馬閱月而免張肖翁以元代之不勝任奉祠而
 去數月吳曦反復命李季章以參知政事督視四川軍馬既
 而有裂土之議又罷行自是不復除都督矣並朝雜記
羣書要語汝徂征禹乃會羣后誓于野書薄伐獫狁至于太原
文武吉甫萬拜為憲詩元戎十乘以先啟行同上
詩句往來看擁傳前後賴專城孟浩然送韓使君除洪州都督詩

古今事實

得江漢心

晉將有滅吳之志以羊祜為都督祜率兵出鎮南夏綏懷遠近
 得江漢之心

河南歸附

庾翼都督江荆益三州刺史制度規模每出於人數年之中軍
 國充實人情翕然稱其才明由是自河南皆懷歸附

吳人悅服

羊祜都督荊州諸軍事招携以禮懷遠以德吳人悅服稱為羊
 公

南土美謠

杜預為都督荊州諸軍事南土美而謠之曰後世無叛由杜公

每夜須夜貴矣

卷之十一

三

孰識智力與勇功

政務清淨

唐漢陽郡王瓌為荊州都督政務清淨嶺外酋豪數相攻瓌使諭威德皆如約不敢亂

治少威嚴

唐襄邑恭王神符遷揚州大都督自丹陽渡江治隋江故郡揚人畏之然少威嚴不為下所畏

密表求鷹

唐李大亮為涼州都督嘗有臺使見名鷹諷大亮獻之大亮密表曰陛下絕政猶久矣而使者求鷹信陛下意邪乃垂昔古如其擅求是使非其人也太宗報曰有臣如此朕何憂

墾田力耕

唐張儉徙代州檢校都督勸墾田力耕歲數稔私蓄富實儉恐屬易驕乃建平桑法入官屬悅喜由是斛儲流贏

議建督府

唐陽嶠等議建督府擇最吏故嶠為涇州都督

議罷督府

李景伯景靈中時議置都督非是詔羣臣著議景伯與太子舍人盧備議今天下諸州分隸都督專生殺刑賞使授非其人則權重疊生非強幹弱枝經邦軌物之議願罷都督留御史以時按察繇是停都督

道不拾遺

郭元振遷涼州都督治涼五歲善撫御道不拾遺

為政嚴肅

張嘉貞歷秦州都督為政嚴肅甚為人吏所畏

奏攻取策

王師討蔡以裴度視行營諸軍還奏攻取策與帝意合裴度傳

請身督戰

時討蔡不利度請身督戰帝曰度曰果為朕行乎度俯伏流涕

曰臣誓不與賊偕存即拜彰義軍節度淮西宣撫招討處置使

同上

威重夸遠

唐宗室孝恭為揚州行臺大都督再破巨賊北自淮東抱江度

嶺而南盡統之欲以威重夸遠俗乃築第石頭城陳盧徵自衛
或誣其反赦為宗正卿

威信甚行

竇軌為洛州都督周洛間因隋亂人不土看軌下令諸縣有游
手未作者按之由是威信甚行民皆趨本

刻石頌德

王駿景龍末授桂州都督州有兵舊常仰餉衡永駿始築羅郭
罷戍卒棟江開屯由數千頃以息轉漕百姓賴之蒼年人刻石
頌德

賜錦著政

王方慶武后時累遷廣州都督南海歲有崑崙舶市外區琛琲

前都督路元啟冒取其貨船首不勝忿殺之方慶至秋毫無索部中首領查墨氏詣府訴府曹素相餉方慶納官屬不得與交通境內清畏議者謂治廣號第一詔賜端錦雜絲以著善政

示賊禍福

馮元常拜廣州都督詔便驛之官安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降元常縱兵斬首惡而還

政尚清省

李襲志轉桂州都督襲志守桂二十八年政尚清省南荒便之

璽書賜勞

宗室晦乾封中為營州都督治狀聞璽書賜勞

區落降從

膠東王道彥拜崑州都督間遣人黨項諭國威靈區落降從

修復堰坊

張守珪為瓜州都督州地沙瘠不可藝是時渠堰為虜毀材木無所出守珪密禱于神一夕水暴至大木散千章塞流下因取之修復堰坊耕者如舊州人神之刻石紀事

教之陶瓦

宋璟徙廣州都督廣人以竹茅茨屋多火璟教之陶瓦築堵列邸肆越俗始棟梁利而無患

貪泉畢飲

唐馮立拜廣州都督前後作牧者多以贖貨為蠻夷所患數怨

叛立到不營產業衣食取給而已嘗至倉泉歎曰此吳隱之所
酌也遂畢飲而去

褒金以贈

李商遷廣州都督及遷人或褒金以贈曰吾自性分不可易非
畏人知也已上並唐書

專治軍旅

國朝呂忠穆公頤浩字元直與秦檜同秉國政檜冷其黨
論二相宜分任內外之事遂除頤浩都督江淮等路諸軍上諭
之曰頤浩專治軍旅檜專理庶務如種蠶之分職頤浩奏檜唯
唯奉詔乃詔頤浩總師地向置都督府于鎮江言行錄
兼領屯田

張魏公請親行邊郡上乃令浚往視師初言屯田者甚衆而未
見其效至是浚兼領屯田以出始置官屬凡所行之事皆畫一
而去

表裏相應

趙忠簡公鼎與張浚俱帶都督諸路軍馬置師行在浚出視師
江上以行府為名而鼎居中總政事表裏相應言行錄

視師江上

張魏公秉樞筦視師江上時兀朮擁兵十萬于淮陽公召大帥
韓世忠張俊劉光世與議且勞其軍將士見公來勇氣十倍令
韓世忠移書兀朮為言張樞密已在鎮江初虜諜報公得罪遠
貶故悉方來寇至是兀朮問世忠所遣麾下王愈吾聞張樞密

張浚除右僕射都督諸路軍馬往江上視師浚至鎮江召韓世忠親諭上旨使舉軍前屯楚州以撼山東世忠忻然奉命至建康府張浚軍至太平州撫劉光世軍軍士無不踴躍思奮言行錄

都督軍馬

樞密副使王庶暫往江淮措置邊防庶素有威嚴臨發勞師於都教場軍容嚴整便服坐壇上自揚沂中而下悉以戎服由轅門庭趨受命拜賜而出莫敢仰視自多事以來所未有中興系

措置邊防

張魏公至江上會諸大帥議事乃命韓世忠據承楚以圖淮陽命光世屯廬州以招北軍命張浚練兵建康以為進屯盱眙之計命沂中領精兵為浚後翼命岳飛進屯襄陽以窺中原國威大振上御書裴度傳遺賜以示至意言行錄

國威大震

張魏公往視江上手書賜浚曰賊雖犯順侵壽及濠鄉獎率師徒臨敵益壯遂使凶渠宵遁同惡自焚寤寐忠勤不忘嘉歎

手書嘉歎

張浚往江上視師四方之士莫不傾心健將悍卒見之者必咨嗟太息下至兒童亦知有張都督每使者至金國其國必問浚

兒童知名

張浚往江上視師四方之士莫不傾心健將悍卒見之者必咨嗟太息下至兒童亦知有張都督每使者至金國其國必問浚

今何在並同上

倚公如長城

張浚樞密使仍督師江淮上召督參陳俊卿及俊子拭赴行在
上見俊卿等問浚動靜飲食顏貌曰朕倚魏公如長城不容浮
言搖奪編年簡要

古今文集

律詩

送西川杜司空赴鎮

薛逢

黑眉玄髮尚依然紫綬金章五十年三入鳳池操國柄八分龍
節付兵權東周城闕中天外西蜀樓臺落日邊莫遣洪鑪曠真
宰九流人物待陶甄

送王相公赴范陽

錢起

幕開丞相府旗總二師營料敵知無戰安邊自有征

督參

歷代公華宋紹興二年以呂頤浩都督江淮荆湖諸軍開府鎮

江頤浩辟參謀官已下文武七十七員

詩句相府開油幕門生逐絳紗劉禹錫送趙忠丞參令狐僕射

古今事實

戲談廢事

晉陶侃為都督參佐戲談廢事侃責之曰君子當攝其威儀何
有亂頭養望自謂安達耶

晉文頌發遺集

卷之十一

德才重望

唐趙璟審官儀六蕃府官屬曰諸史辟署務得才以重府望能
否已試則引而置之朝無俾其久滯史列傳

贊謀參務

張拭字敬夫孝宗即位起忠獻公宣撫都督諸軍事忠獻公奏
以公書寫機宜文字是時公甫三十內贊密謀外參庶務夙夜
凜凜直以君父之責為己憂言行錄

極一時選

張拭辟機宜時浚起請籍愛重寄開府治戎參佐皆極一時之
選幕府諸人自以拭為不可及國史

斥去小人

向子志字宣卿朱丞相勝非以督府討李成於江西屈公參議
有一縣令以不廉被訟求薦入幕公具以姦賊白丞相斥去因
論君子小人不可使混雜以亂政丞相納用之

入參謀議

陳克字子高金陵人不事科舉博學專用以資為詩晚得官巨
祉安老即建康辟置為屬安老入為尚書參都督府謀議子高
復從軍為淮西之行

皆天下選

張于湖督府參議官制云朕命相臣以幕府臨遣凡其自從皆
天下之選爾思直強明克承厥家所居之官聲績較著尚堅下
心益固兵圍

送李校書起杜相公幕府

杜子美

貪趨相府令辰發恐失佳期後命催南極一星朝北斗五雲多處是三公

制置使

歷代沿革唐

宣宗大中五年以白敏中充招討黨項行營都統

制置等使

通監

制置使之名始此宋不常置掌經畫邊鄙軍

旅之事政和中熙秦用兵以內侍童貫為之四朝志宣和末

姚古為京畿輔郡兵馬制置使靖康初种師道為河東路制

置使錢蓋為陝西五路制置使

欽宗實錄

建炎元年有招提

盜賊制置使自王淵始三年有行在五軍制置使自劉光世

始又諸路皆有副使自江浙陳彥文程千秋始六月浙西安

撫使康允之帶本路制置使安撫帶制置此自始也四年罷

有沿江都制置使

管江南東路知建康府

紹興二年有沿海

制置使

係建康兩浙東路

三年有安撫制置使

大使之名自

江南西路大使趙鼎始

六年始鑄印以其路制置司為名從

浙西淮東制置使梁汝嘉所請也其後盡省惟四川沿海有

馬四川係成都府沿海係明州開禧用兵起立宗卿守金陵

留鑰宗卿嘗以倉榷督視軍馬於是趙淳已為江淮制置命

宗卿為江淮制置大使已而罷四川宣撫又以安子文為制

置大使朝議以子文恩數視執政特加大字

古今事實

誅賞便宜

張浚至襄陽自屬郡守貳以下皆得誅賞因薦程千秋為京西制置使假以便宜王之望西事記

舉按不法

席大光在成都得旨位宜撫副使上制置使凡監司不法許舉按朝野雜記

築保置戍

范成大為四川制置使公以黎為要地奏置路分都監增五寨籍壯為兵凡吐蕃擾邊徑路十有八悉築堡置戍重賞激羣

變使相疑貳俄蕃牙擒文才以獻公命斬之言行錄

討擊撫摩

范成大為四川制置使文州蕃部間擾邊公奏乞豫為文告俾強者討擊之善良者撫摩之使知畏慕即日施行

人才羅致

范成大為四川制置使凡人才可用者公悉羅致幕下用其所長其傑然則露章以薦徃徃光顯于朝並同上

並聽節制

制置使自熙豐後多以武臣為之建炎元年郭太尉仲宣制置東南盜賊請監帥司並聽節制許之朝野雜記

古今文集

事類彙編

卷之十一

十一

雜著

乞令四川制置司通知馬政

周必大

臣聞蜀有邊防有馬政前後議者多云一者必須相關然後事體歸一朝廷亦嘗屢行申飭矣其如制置司專任邊防市馬多寡在所不問都大司專主茶馬支費浩漣有所不恤若非兩司通知其利害則雖欲使之協力何可得也且陛下以全蜀兵民之寄付之制帥雖御前諸軍猶許節制總所錢物猶得商確而馬政獨不預聞可乎臣愚欲望特降睿旨今後凡每歲市馬若干價直增損若干收支茶絲銀兩若干並令制置司通知如此則議論歸一邊防馬政不致相妨實為悠久之計取進止

古詩

送王舍人制置四川

洪邁

昭代推人傑誰登上將壇君王念方面侍從輟儒冠魏闕成高拱梁州遠監觀九天開幕府萬里入征鞍往昔先多士歸歎樂考槃中年思賈誼見晚歎嚴安禁掖侵霄漢秋空刷羽翰文章響龍虎班級上鸞鷟謀帥西南急登庸歲月寬智謀回睿眷節制妙朝端風采今如此家聲定不刊雪山方始重蜀道幾曾難地迥江驚急雲孤峽怒蟠梅花春欲動水國暮生寒行路艱初起籌邊策未殫那箇無惜醉岷芋且加殮鄉曲霑投分蓬萊忝備官丹心空自喜青眼獨相看此地從公別何時話夜闌歸來消息近鵬背一朝搏

律詩

事文類聚續集

卷之十一

十一

呈知鄜州何士宗

向敏中

動將鐘鼓堪銘鏤業為皇王致太平
貔虎有威開玉帳大戎無戰臥金鉦

贈滕使君

張孝祥

千騎東方白玉鑣十眉環坐紫檀槽
安南都護來轡禁建武將軍握豹韜
瘴雨蠻煙驚鼓角朔雲邊雪滿旌旄
夕烽不到甘泉殿尺一徵還近赭袍

次韻王帥彥昭破賊

葉集之

將略兵機斷若神濟時須仗老成人
指麾自扣囊中智謀議誰參幕府
賓已喜雄威存楚越更看餘策取
綬銀明年此去登黃閣要使恩榮萬國春

送賈使君

劉商

考績朝稱貴時清武用文
一天移外府三命佐元勳
佩玉兼高位從金闕上軍威
容冠是鐵圖畫閣名雲

送趙尚書北伐

張說

兵連紫塞路將舉白雲司
超劍榮申貴銜益盛出師日
華鮮組練風色焰旌旗
投筆樽前起橫戈馬上辭

贈容尚書中丞

陳陶

普寧都護軍威重九驛梯航
壑要津十二銅魚尊畫戟
三千犀角擁朱輪

送李尚書赴襄陽

韓愈

帝憂南國切改命付忠良
壤畫星搖動旗分獸
皴揚五營兵轉

蕭千里地還方賜書
實屬郡戰馬隔鄰疆
縱獵雷霆迅觀基玉
石忙風流峴首客
花艷大堤倡

送容州唐中丞赴鎮

杜牧

交趾開星座龍泉佩斗文
燒香翠羽帳音舞慰金羣
燭首衝龍浪犀渠拂嶺雲
莫教銅柱北長說馬將軍

送路使君赴任

杜甫

王室比多難高官皆武臣
幽燕通使者岳牧用詞人
國待賢良急君當拔擢新
佩力成氣象行蓋出風塵

送封尚書節制興元

薛逢

大封茅土鎮褒中
醉出都門殺氣堆
陌上晚花迎虎節
馬前新月學香弓
珂臨響澗聲先合
旆到春山色更紅
欲識真心報不

子滿旗全是發生風

餞趙尚書赴朔方軍

蘇頌

勁虜欲南飛揚兵護朔垂
趙堯無易邸登禹卽分麾
野餞迴三傑軍謀用六奇
雲邊愁出塞日下愴臨歧
板劍行人舞揮戈戰馬馳
明年麟閣上充國拜於斯

宣諭使

歷代公董宣諭使

舊有之以宣諭德意為職而已不與軍事渡

江後所遣尤數紹興二年冬分遣御史五人宣諭東南諸路
觀風問俗平反獄訟宣布德意踰年乃還六月已遣范右司
直方宣諭川陝九年又遣方察院庭實宣諭二京皆使者職

也時李察院宋被旨宣諭江西乃專督捕盜平遂罷為廣西
提刑是年新復陝西詔樓仲輝以倉書樞密院往永興宣諭
鄭亨仲以秘書少監為參謀予衛卒千人因制置移屯等事
宣諭之權自此重矣十一年鄭亨仲宣諭川陝始建使名得
與邊事二十一年汪中丞徹宣諭京西湖北得旨撫勞將士
躡訪事宜二十三年虞雍公宣諭川陝乃專招軍買馬其年
王瞻叔代之亦參軍政蓋自鄭亨仲後其權在宣撫之亞焉
朝野雜記

詩句渡江野老思求渡候館彬人憶下軍部元送彬州裴明府充宣慰使
手持國憲羣僚畏口喻天慈百姓安羅維上李蔚州詩

古今事實

循行諸路

呂忠穆公願浩字元直時諸路盜賊稍息公慮守令不虔請分
御史循行諸路上乃詔三省選彊明廉謹之人臺察不足則以
郎官攝之皆令引對面給親札御覽曆日攷其殿最以著賞
罰分徃諸路並以宣諭為名言行錄

薦劾盡公

高宗紹興二年遣使宣諭諸路賜以宣諭詔書御寶手曆居他
官者並攝御史劉大中胡蒙朱異明彙薛徽言五人同入見上
諭曰比所下詔令州縣皆為虛文今遣卿等務令民被實惠守
令民之師帥縣令尤親於民姦賊之吏必須按發公正奉法之
人必須薦舉山林不仕者亦具名以聞平反獄訟觀問風俗等

事並書於曆朕一上行之乃詔異使浙東福建蒙浙西大中江
東西微言湖南蒙廣東西各賜內帑帛二百大中薦舉按劾兩
盡其公士論稱之

奏攻守策

虞雍公之為宣諭也開幕府於襄陽以為荆襄藩籬實在唐鄧
勝勢在唐州方城其次在樊城其次光化軍當先城新野次鄧
州次唐州又開泌河以通漕運藩籬既固則襄漢久安此守策
也王師進取之路出秦以睢秦出襄鄉以襲許出汝洛出商虢
以震河東出商以圖陝西此攻策也部分以定累奏以聞時相
欲速和議棄唐鄧三州朝廷深悔之言行錄

牛酒迎師

虞雍國忠肅公允文自襄陽開幕府於興元時為川陝宣諭使
經理有序關河響應軍民歸附日以萬計且爭出芻粟牛酒以
迎王師夫何言者謂宜弃陝西三路新復州郡而退守蜀之故
封公屢爭不能得同上

古今文集

雜著

辭宣諭奏狀

吳芾

臣一介疎遠陛下過聽付臣以淮西之寄臣退惟江淮表裏之
雄師旅管屯之衆事大體重受任匪輕臣學不知兵才非應務
究淮西之形勢實江左之藩籬列城雲屯諸將環峙內以宣諭
於王略外以安靜於邊陲是必精神足以折衝智識足以應交

韓文顯發續集

卷之二十一

二十七

始可當一面之重寄實九重之顧憂如臣憤不習於軍旅愚亦聞於事機微且寵榮必辜任使

古詩

贈除涼州宣諭

荀濟

副尉西域返伏波南海還龍旗翻委鬱蠲軸更迴道傳選咆咻
土廣募嫖姚尉映月比刀還看星嗟劍氣潑澗水尚寬噲噉日
猶未

參議官

此下補外集經略史之後

歷代沿革唐置藩鎮皆有參謀至行軍亦有之開預軍中機密
張建封署溫造說劉濟使納忠於朝宋建炎四年詔兩浙西

路安撫大使許置參謀參議各一員紹興四年詔沿江三大
使司亦許置參謀參議官五年詔江東西路湖南浙西安撫
大使許置參議安撫使許置參議其參謀參議請給依本路
提舉茶鹽支破中興會要

羣書要語實參戎幕俾倅中權常集藉賓介以參謀猷白居易

裴啟制授韓厥佐戎之職常集將柱後惠文之冠委以謀謨介

僕之重晏類要權集任為從事禮以上賓大帖請倅戎旃常集

介子戎車服我清憲同上載筆乘輅乃作參謀出入朔方陪佐

戎車柳子厚作傳御史柳公墓記分闡之寄參制其半同上

詩句還聞李司馬更遂李輕車王維送宇文赴河西充行軍司馬

古今事實

事文類聚卷之十一

杜甫不冠

嚴武鎮成都，奏杜甫為參謀。甫放恣，常醉登武床，瞪目視武曰：「嚴挺之，乃有此兒，武不為所結，廬浣花里，武過之，甫有時不冠，其傲誕如此。」

陳琳草檄

任在軍要，權制兵機。參謀幕府，制勝樽俎。從軍則望重，仲宣王。燦燦佐幕則才高，阮瑀字元瑜。魯運飛書，燕將得而自殺。陳琳草檄，魏祖讀以愈風。白六帖

魯運飛書見上注

命為上介

西川曰：益部以文昌為御長，俾鎮撫焉。命審規為上介，俾左右

馬文昌賢而審規輩才以牙佐賢，蜀必理矣。輟三署郎，加命服以遣之。其于張大光榮與四方征鎮之賓僚不侔矣。苟佐吾相以善政，聞吾寧久遺汝於諸侯乎。白集制

求賢參貳

元翼殿我漢南，求賢乞能以自參貳。今以命洪荀致吾元翼於羊杜間，別有陟明之典。白集張洪制

參佐戲談陶侃事見督參門

議論無不言

劉文節公光祖時，趙忠定帥蜀，請公參謀。議以自助，時同幕皆一時選，相與上下議論，知無不言，羈制諸蠻，彈耳受伏。其他建明甚衆，成都之政遂為天下最。西山文集

論君子小人 見督參門

古今文集

雜著

沿海制置司參議廳壁記

樓鑰

四明為東南大邦，海匝三垂，北通海岱，東控高麗，日本諸國，高皇南巡，駐蹕臨安，尤為控扼要地。始置沿海制置使，尋命守臣兼之。凡閩浙淮東瀕海之州，皆隸焉。後分道置使，乃專領浙東。曰郡檢校少保郭公仲荀，徽猷閣待制仇公愈，皆嘗領之。仍有參謀參議官，紹興三年，丁司俱罷。隆興元年，海寇猖獗，戶部侍郎趙公子瀟，以敷文閣直學士出鎮，復兼制置使，以重其權。獨置議幕，非老成資高者，不在茲選。於是張君大年始為之。五傳

而至先君先君嘗以軍器監丞兼攝起部出守括蒼，倦游念歸，遂仕于家。又閱八人，至今吳侯侯一日謂某曰：時平罷警，幕府雖省文書，然制司任重，為之參佐，敢怠其事，將刻石紀前任人名氏，自隆興始。且子之先君嘗為是官矣，子為我記之。侯嘗為鵝城濠梁二守，有能名，精神未衰，才力過人。此我雖無以表見，然嘗造其公宇，前日支傾柱壞之，不暇，今皆煥然。又有餘力以及此臨事，類不苟識者，多稱其賢。某既與侯游，又因得以不肖姓名託先君之後，遂謹書之。

古詩

送李侍郎廻秀薛長史季昶參謀

張說

漢郡接胡廷，幽并對烽壘。旌旆按部曲，文武惟卿士。薛公善籌

事類彙編 卷之十一
畫李朔威邊鄙中其分兩河長城各萬里籍馬黃花塞鬼兵白
狼水勝敵在後人為君汗青史

送韓愈從軍

孟郊

志士感恩起衣非變性親賓改舊觀童僕生新敬坐作羣書
吟行為孤劍詠凄凄天地寬凜凜軍馬令驛塵時一飛物色極
四靜王師既不戰廟畫在無競王璩有所依元瑜初應命一章
諭檄明百萬心氣定

律詩

贈盧珣參謀

杜甫

恭惟同自出妙選異高標入幕知孫楚披襟得鄭僑文人藉門
地闕闕冠雲霄藻翰惟率率湖山合動搖

贈崔諮議

李白

騶驥本天馬柔非伏櫪駒長嘶起涼風倏忽凌九區望君垂翦
拂猶可騁中衢

送侯參謀

韓愈

今君行得所勢若脫鞴鷹檄筆無與讓幕謀識其鷹收績開史
牒翰飛逐溟鵬

贈梅聖俞

劉原父

聲名動冠劍久合參朝采何意幕中客新違江上宰高材用雖
晚大器終有待三公識者多薦拔可立待

送李校書赴京川幕

盧綸

編簡塵封閣戈鋌雪照營男兒須聽用莫信筆堪耕

送員外赴邠寧使幕

劉禹錫

家襲常平身業文素風清白至今貧南官通籍新郎吏西候從戎舊主人

送吳參議

樓鑰

才氣勇無前人推季子賢侯藩聯剖竹制幕晚依運勢利從身外風流到酒邊四明欣會遇兩載得周旋為記題名石仍吟連觀篇留行何及矣執別但茫然我已甘投老君方欲引年未知重見日目斷五湖舡

機宜

歷代沿革宋安撫使司其屬有勾當公事管勾機宜文字準備

差使

哲宗正史志

建炎初安撫大使許置主管機宜文字管

書寫本司機宜文字各一員紹興四年詔帥府書寫機宜文字除係事干機密合書寫外其餘文字並不得簽書奉給京

官依通判選人依簽判中興會要

羣書要語雍宏幕畫初寮除機宜制外任幕府除姚守和制任

有事要權制兵機白六帖

古今事實

內贊密謀

張忠獻公宣撫都督諸軍事奏以拭書寫機宜文字是時年甫三十內贊密謀外參庶務夙夜凜凜直以君父之責為己憂朱晦庵文

石門邊事

趙高郭達帥延安辟掌機宣文字上知其才召見問邊事除集賢校理還延安哲宗實錄

上平戎策

王韶字子純上平戎策神宗奇之以為秦鳳路經略司機宜文字時青唐俞龍珂族大難制韶親帥數騎直抵其帳且留宿以示不疑龍珂遂率其屬十二萬口來附於是青唐渭源諸侯俱納地周環二千里賞韶直集賢院東都事略

薦堪大任

王安禮字和甫唐介帥太原辟機宣文字後帥呂公弼薦于朝謂堪大任代還召見占對詳明神宗勞問甚久哲宗實錄

部分方略

劉子羽字彥修父忠顯帥真定復辟以從女真入寇圍城數匝父子相與死守部分方略多公之謀虜不能拔而去名聞河朔間除直秘閣南軒集

築堡控衝

楚建中管為鄜延經略司機宜時元昊納款建中數白主帥請備之乃命建中築安定黑水等八堡以控東路之衝元昊犯邊以鄜延有備不敢入哲宗實錄

募民為兵

劉忠顯帥越辟其子子羽主營機宜方臘反佐忠顯募民為兵卒全其城晦庵集

閱奏知人

熙寧三年韓琦判大名府奏乞不散青苗上閱其奏曰此必疆至之文也時至為大名府安撫司機宜神宗實錄

不負韓公

李清臣字邦直韓絳宣撫陝西即奏掌機密文字就遷太子中允檢正中書公事絳貶清臣曰我不負韓公者因求還所遷秩補外丁未錄

再召除檢詳

趙君錫韓琦守大名辟主管機密文字改大理評事再任召除檢詳

未幾除史館

韓維字持國富弼安撫辟掌機宜文字未幾除史館檢討哲宗實錄

古今文集

古詩

選韓持國從富并州

王介甫

韓侯冰玉人不可塵土雜云子材宜用世談者為嗚咤矧今名主人氣力足呼故推賢為時輔勢若朽易拉會當薦還朝立子在閭闔注富弼安撫河東辟維管勾機宜文字

帥幹

歷代沿革祖宗朝安撫使司屬有勾當公事高宗即位避御嫌名改為幹辦公事官五員其俸給京朝官依通判選人依餘

判支破紹興四年江東西湖南浙西安撫大使許直幹辦公事五員安撫使置四員中興會要

古今事實

畫策造戰

張忠簡公闡字大猷參政席益帥湖南辟公幹辦公事洞庭群盜熾張公畫策造戰擢訓水軍賊勢以衰諸司交薦平園集

直言不隱

向櫛字節之調廣西經略司幹辦公事桂帥李浩與公有舊事無小大必直言不隱李浩欲於近城為營田從事皆承意取逃戶絕產籍入之務多其數以合浩意公曰桂環城皆山土田瘠少今所籍者多涸源燒嶠徒勞入土無益也其後卒如公言廢

乏 楊誠齋撰向櫛行狀

帥屬

歷代沿革 唐趙璟審官議六藩府官屬曰諸使辟署務得才以重府望能否已試則引而置之朝無俾久滯

羣書要語 受命辟書祇事戎府白六帖載筆旌麾運籌帷幄○

盛府求賢戎書辟士並同上

詩句 風雲入壯懷泉石別幽耳韓愈送石處士赴河陽幕君家

酥酪弟兄賢督府從軍滯幕蓮宋庠寄武昌胡從事暫佐元戎

美思齊十萬軍劉德仁夜訪蜀孤從事

古今事實

古今事實

遇事慷慨

孫昭遠字顯叔。依河東經略司幕府。陝西方用師。夏人乃窺河東。帥司奉朝命聚師。令王舜臣將之。虜知有備。去它路。朝廷謂不當擅追舜臣。兵入塞。并劾主議者。公請獨坐其遇事慷慨如此。詹定菴撰孫昭遠墓誌。

有用之才

湯思退為相。時武舉第十人趙應熊擬授江東帥司屬官。上曰：應熊有用之才。觀其所試。皆有可采。公曰：應熊初入仕。且如此處之。養其資望。上曰：善。言行錄。

辟置幕下

李之儀字端叔。善屬文。工於尺牘。蘇嘗謂得發遣三昧。軾帥定

武辟置幕下。東都事略

除宗正簿

游師雄字景升。趙尚帥延安。辟為屬官。之除宗正寺簿。同上。

議攻守策

元昊反。夏竦為經略。招討使辟尹洙為經略判官。上意必欲誅元昊。詔遣近臣督戰韓琦。時為招討副使。與洙請闕議攻守之策。分紀。

納降上疏

趙尚字公才。夏人不庭。郭達宜撫陝西。帥延安。尚皆在幕府。種諤擅納綏州降羌數萬。朝廷病其生事。議誅諤。尚上疏。不出他門。

王岩叟字彥霖韓琦留守北京辟岩叟為屬韓絳代琦欲留石叟岩叟謝曰岩叟魏公之客不願出他門也士君子稱之同上

同游嵩山

謝希深歐陽永叙官洛陽時同游嵩山歸暮抵龍門香山雪作留守錢文僖公遣吏以厨傳歌妓至且勞之曰山行良勞當少留龍門賞雪府事簡無遽歸也餞遇諸公之厚類此郡氏聞見錄

古今文集

雜著

福建路安撫司二準備差遣廳記

劉克莊

二準備建罷不常增西廳以監牛田場兼之自嘉定某帥始復東廳自端平文忠真公始闡閩歲計繫乎鹺二屬秋雖卑西主

烹煎東主給售帥得自辟徐君憲王君稼皆以才為安撫使尚書趙公羅致舊無廨始度地於府治西北隅背郡圃迫馬廐九庫隘公曰圃可縮也廐可徙也致客而不能館可乎哉乃捐庫錢二百二十萬益以沒官山水廢寨瓦石併置於丙午落成於丁未二廨規撫位置悉公指授稼俾余記之今諸道使者之屬皆稱雄盛誰非諸使之長乎而其屬獨牢落廳寒如冰吏卒鶉結率取諸曹掾所棄曩余參真公謀議熟知之時廨廢為潛火局假屋以居機宜寓僧寺僅存一幹官直舍委曰閑慢官爾噫彼之所謂雄盛得意者嘗求其故矣賦訟繁而文書多也予奪律而聽信專也蓋智以繁而昏力以多而分健之弊為薄專之弊為謫是數者固常情之所羨而有識之所畏也闔幕則異是

矣。居常無事，不幸小有調發，急符旁午，吏卒並緣饜飫，隅總依
 馮筴鷺，不但賓主汲汲，鮮權郡邑，皇皇奔命，而更番之舟，漁業
 之民，皆騷然失寧於四封之內矣。惟夫歲豐盜熄，野無桴鼓，吾
 主人可以雅歌而緩帶，吾儕可以長衣而清談，奈何不此之樂
 而彼之羨乎。公忠定丞相嫡孫，治如忠定，官自鸞鷟，革去敷抑
 勦平海盜，鯨浸不驚，以羨錢余粟萬斛，備緩急，祖孫相望，為閩
 賢帥，其待士尤有禮。昔有廢官館為庫廡者，公今徙廡築館，以
 龍媒汗血之末，得為緩而以樂，殺劇辛之末，至為急，公有合羣
 才，康斯世之志矣。惜其局于方直也。公名必愿，字立夫，稼字無
 逸，由東廳改秩，憲字某，由西廳陞幹辦公事。

請置經略副使判官參謀

呂大防

臣竊觀自古設官之意，必先置貳立副，不以名位為限者，所以
 紓艱危而適順用，聚聰明而濟不及也。總兵命將，尤重其選，以
 漢唐事言之，大將軍有長史司馬從事，節度使有副使判官參
 謀，其自小官而登寄任，立功效者，不可勝數。本朝祖宗以來，實
 用此法，故名臣不絕，而夷狄畏服，竊見今緣邊經略使獨任一
 人，而無僚佐謀議之助，雖有副總管鈐轄之屬，皆奉節制，備行
 陣，非有折衝決勝之略，預於其間，朝廷每除一帥，幸而得能者，
 則一路兵民實受其賜，不幸而得不才者，與焉，則是以三軍之
 衆一聽庸人之所為，豈不可懼哉。其蔽蓋由朝廷不素養其材，
 而取入之路又常太狹，方今戎人旅拒邊患，漸生，若不早為准
 備，閱試其能，誠慮臨事用不暇，精選因而敗事，所繫不細，以臣

愚見經略使各置副使或判官一人朝廷選差素有才略或司
以上充參謀一人委經略使奏辟知邊事有謀略知縣以上充
如此則可用之士不以位下而見遺中材之帥又以入謀而獲
濟兼得以博觀以試之效以備緩急之用講緝邊要莫先於此
古詩

送程劉二侍御赴安西幕府

李白

安西幕府多才雄喧喧惟道三數人綉衣貂裘明積雪飛書走
檄如飄風朝辭明主出紫宮銀鞍送別金城宮天外飛霜下葱
海火旗雲馬生光彩胡塞塵清計日歸漢家章綬遙相待
律詩

送沈達赴廣南幕府

蘇子瞻

君隨幕府戰西羌夜渡水河砂雪壘飛塵漲天箭酒卑臨對妻
琴真夢耳

送陳彤之江陵從事

姚合

荆州勝事舊家聞幕下今朝又得君才子何須守科第男兒終
久要功勳

送沈世德撫幹還朝

周必大

元戎已趣曹裝觀上客難教儉幕留積雨半篙生別浦清風十
幅送歸舟槐庭袞綉行虞侍芸閣鉛黃待校讎池有游鱗雲有
鴈尺書能寄故人否

新編古今事文類聚遺集卷之十一終

禮記古禮文獻通考卷之二十一

禮記古禮文獻通考卷之二十一

禮記古禮文獻通考卷之二十一

禮記古禮文獻通考卷之二十一

禮記古禮文獻通考卷之二十一

禮記古禮文獻通考卷之二十一

二

